

金華府 衢州府 嚴州府 温州府 處州府

金華 永康 西安 常山 建德 遂安 永嘉 平陽 麗水 龍泉

蘭谿 武義 龍游 開化 淳安 壽昌 瑞安 泰順 青田 慶元

東陽 浦江 義烏 湯谿 江山 廬山 分水 樂清 玉環 縉雲 雲和 宣平 松陽 遂昌 景甯

浙

江


回

書

館







浙江圖書館





浙江圖書館





浙江圖書館

卷

卷

卷



金華府圖

遂昌界

宣平界

龍游界

熟溪堤



湖大 湖小 湖馬白

游埠

塘熟

五百灘




山總

山住南

嶺港

衢港



大福山

中洲


壽昌界

黃溢江堤

蟾大

檀村

山裊深



建德界

界廬桐



麗水界

縉雲界  
仙居界  
裏溪汎



新... 百... 三...





浙志便覽卷之三

化州李應珏玉山著

金華府序

金華居浙西南由杭湖富陽桐廬建德蘭溪至四百五十里自永康縉雲至處州府城二百八十里自湯溪龍游至衢州府城二百二十里自蘭溪壽昌至嚴州府城二百一十里轄邑八附郭曰金華縣脈自東陽大益嶺起祖抵縣爲金華山上中下三洞在焉由山過脈爲芙蓉峯一郡之主也東南百三十里曰永康縣東接縉雲華溪酥溪李溪



皆出縣境爲南溪上源入堡山縣丞都司則衛撫榮光奏  
移者也南七十五里爲武義縣南接麗水熟溪水自遂昌  
北境入合大家溪入素溪抵城與永康南溪滙西南五十  
里曰湯溪縣白沙溪白龍溪自遂宣北境入東百三十里  
曰東陽縣大盆嶺周百二十里爲郡山之祖東三白山連  
接數邑馬樓嶺爲婺台咽喉南午嶺爲溫處衝道邑之夾  
溪安文皆要汎也東北百一十里曰義烏縣邑西諸溪皆  
接東陽水抵郡城其深溪演溪則東入浦江西北五十里  
曰蘭溪縣西界建德城中大福山爲邑右護故繁盛甲於



浙省河下額設金蘭江港巡船上至湯衢下達嚴杭最爲  
緊要北百一十里曰浦江縣界連諸暨其東龍峯山支脈  
自仙華來環於邑左其西伏蟾山支脈自杭口來環於邑  
右湖山兩峯對立天然水口郡水最大曰婺港發源東陽  
由縣城經義烏抵郡城下蘭溪與衢港合下游爲錢塘江  
次曰梅溪卽南溪源出縉雲經永康武義至府城與婺港  
合曰湯溪源出宣平經湯溪縣城至龍游下之羅埠入衢  
港曰浦陽江卽浣江出東南二溪經縣城歷諸暨至蕭山  
之臨浦塘外入大江郡居浙中腹心城堅地險明李文忠



制方氏李之春制耿逆皆力戰城下髮逆之亂賊由龍游入湯谿郡屬俱陷左侯入浙賊據郡爲老巢恃龍湯蘭爲犄角左侯先復壽昌嚴州血戰於三城者八九月迨三城賊同日並竄永武東義賊亦皆走於是白馬橋復浦江進牌頭追賊諸暨破竹之勢遂成現存金華協鎮左右營兵其四百三十九名征地丁三十萬四千餘兩蘭谿釐局歲抽十二萬餘緡府學二十五名郡守通判經歷教授訓導各一郡土沃訟繁撫綏不易爲治之道立一法卽增一弊惟通達下情與民相安於無事而已一催科也每畝完



弊惟通達下情與民相安於無事而已一催科也每畝完

一二百錢浙西丁漕亦六七百誰甘逋欠以受胥役之擾乃糧站闈

役未問正供先勒規費規費多則正供可緩遂馴至於積  
欠索規不遂則藉詭戶為脅制之端若先清戶冊以杜飛  
灑有被胥吏挾持不得完者准赴上司衙門投納則催科  
起矣一訟獄也久不結則民不知畏而守候者失業乃差  
役持票賄縱數月不得訊訊又經年不結甚或驗勘則藉  
索夫價押候則慘勒班規私刑之酷百倍官刑若察吏役  
而定到案日期逾期者原告坐誣被告加等則訟獄清矣  
任眾則明任獨則暗誠於紳耆中無論貧富貴賤不時接



見精吾參離之法察眾好以為可否不廢不擾則清甯之治也

館

書

圖

江

浙

... 治也 ... 見精吾參離之法察眾好以為可否不廢不擾則清甯之治也 ...



金華縣序

金華爲郡附郭首邑東西九十三里南北六十八里征地  
丁二萬六千有奇漕項千餘兩學額二十五名令典諭訓  
縣丞金華協暨中軍都司守備右營遊巡永康守備各一  
把總各二金華山在邑北二十里一名長山自縉雲岱嶺  
發脈至東陽之大盆山迤邐而來周廻三百餘里橫亘金  
華蘭溪義烏浦江數邑東爲東陽南卽武義之八素山其  
頂雙峯對立高二百四十餘丈曰玉壺曰金盤中有湖曰徐公湖  
周百八十六步水分二派出山陽者由山橋而達於溪出



山陰者由鹿田入於洞山橋兩厓百仞橫跨若虹自山過  
脉至芙蓉峯爲郡治之主東三里爲赤松宮山旁爲皇初  
平叱石處羊石蒼白臥立各異態過小橋西行爲東西鹿  
田相傳玉女驅鹿而耕復五里爲三洞周廻數十里爲三  
十六洞天之一上洞曰朝真極高大石如龜橫當洞口中  
有數石如羣仙儷立內垂衣伸一足者爲觀音此朝真所  
由名也又里許爲中洞曰冰壺初入昏黑但聞水聲稍進  
天光透露有飛泉三十餘丈甘美可療疾又里許爲下洞  
曰雙龍外洞堪容百榻石壁上現仙桃霞衣龍首左昂而



尾右垂內一穴如墓類有水流深二尺仰臥小舟而入  
中有石如華蓋垂衣狻猊龜蛇床硯等象上有搗臼潤三  
尺石泉正滴其中終歲不滿洞北里許爲紫薇巖有講堂  
爲梁孝標卜築處邑南鄙曰南山脉自龍泉來周數百里  
南爲遂昌松陽宣平東爲永康武義西爲龍游北爲邑鄙  
則又處郡大龍所經也邑水合東南二港曰雙溪俱西流  
經五百灘下蘭溪入浙江五百灘者言須用五百人挽舟  
也東港源出大益山經義烏西行入邑境滙慈溪白溪玉  
泉溪坦溪赤松溪經石碕巖下與南港滙南港源出縉雲



黃碧山經永康武義入邑境又合梅溪水遶屏山西行與東港滙於城下

浙江圖書館



蘭谿縣序

蘭溪在府西五十里距省三百七十里方廣七八十里南至赤木橋界湯溪二十五里西至游埠界龍游北至白雁歧界建德各三十五里西至檀村界壽昌東至橫木嶺界浦江各四十五里征地丁五萬二千二百餘漕項千兩有奇學額二十六名令典諭訓衢協中軍把總各一兵五十名蘭溪釐局知府辦抽十二萬餘茶捐三千餘郡釐祇此一局得扼要之道焉城外大河曰蘭溪衢金二水匯流下游至新安江口合嚴州水抵杭省黃湓江堤在邑下游



三十四五都石堤亘二百九十丈雍正間內加子堤一道  
最爲緊要城中大福山擁護邑治之右風水滙聚故繁盛  
最著南住山在邑南十五里脈自閩來至此而盡邑火腿  
爲天下所取給法用硝鹽壓極乾透十餘日拭以菜油晒  
晾又先以草飼豬勿令過肥歲出數十萬緡電綫自紹興  
來爲往温州之路攷電報西文可逐字傳遞華文一字須  
代以號碼四且商報每爲官報所擱是以光緒丙戌上海  
福州廈門香港四口中國電報僅得銀二萬三千餘流入  
英丹海線傳遞者銀十二萬五千餘按西洋各國電線官



報悉係商辦故可隨處联接

藥水係鹽硝所製值錢無多

中國百物購

自外洋委員又多宜脚貴而入少也今創郵政歸洋關兼

管所省多矣

專遞外洋內地仍歸原設信局

婺港有二源南港

自永康接縉雲水經

館頭嶺脚來

三十三里至永康西門

水深三尺

又十七里桐琴市

武入

義境又六里東皋市

距武義城二十里

又四十三里范村

入金山華界

又五

十五里至雙港口與東港匯

距港里許金錢灘深尺許

東港

源出東陽大白山

九十里至水頭埠渡

距東陽城六里

又十一里何宅村

入義烏界

又五

十里抵田市

入金山華界

又五十二里雙港口與南港匯合流二

里至郡南門

深四尺

又五里五百灘

深尺許

又十七里邑黃煙



溪口入蘭溪界水深九尺

又二十里過驛前渡

至磨盤灘

與衢港合衢港

自龍游入湯谿境

一里楊村渡

合壽昌來之游埠水

距埠三里深丈三尺

又九里雨傘灘

深僅六尺

又四里葉灣埠

水深丈二有羅埠水來會長八十四里

又四里合白沙溪至五家墟

入蘭谿界白沙溪出遂昌境長九十二里

又三里

金插口

深丈五只有永昌鎮水來會長三十五里

又六里磨盤灘與婺港匯乃

合流三十七里抵楊公埠

深僅六尺

四里將軍巖

入建德境

七里三

河汛

深二丈

十里麻車埠

深丈二尺

六里大洋鎮

深二丈

十三里嚴

東關邑產蓮

三四月下種貯水滿田深三尺糞以荳餅

伏月收穫畝可百斤

值十

餘縉其藕製粉亦可數縉

秋後則蓮房空矣



東陽縣序

東陽在府東百五十里距省二百里方廣百七十八里東至天台百九十里南至永康六十里西南至義烏百四十二里東北至嵎縣百九十里以白峰嶺爲界峰高三百步征地丁銀四萬六十餘漕項千餘兩學額二十六名令典諭訓縣丞右營把總夾溪白峯嶺外委各一

夾溪係往新昌路

大益

山在邑東境九十里周百餘里形如覆盆爲諸山之祖西白山在邑北六十里跨數邑在嵎曰北白在浦江曰東白山陰之水下諸暨山陽之水下義烏馬鬣嶺在邑東二百



四十里延袤三十里爲婺台咽喉南午嶺在邑南十里爲  
溫處台閩必由之路烏竹嶺在邑北四十里與鷺鷁嶺大  
小相連爲北境要隘東陽溪在邑北三里源出大益山合  
義烏之水會畫溪至郡合永康水下蘭溪邑處萬山中界  
連金台溫處數郡盜賊不時出沒民田專恃塘堰灌溉最  
要者曰萬工堰在安文大益山之旁長二里曰都督堰在  
乘驄鄉長七百餘丈曰南溪堰在邑西二十里之橫城皆  
民命所關也城南五里西鎮山舊有銀礦五金並產湏分  
以爐火鐵爐數處裡村尤旺

城東六  
十里



義烏縣序

義烏在府北百一十里至省五百五十里東西六十里南  
北倍之東至東陽四十里南至永康百四十里西北至浦  
江百四十里邑無城地丁三萬八千兩漕項九百兩學額  
二十四名令典諭訓左營千總各一兵十九名邑西諸溪  
皆合東陽水抵郡城其深溪演溪則東入浦江出諸暨繡  
川湖在城西周迴九里水利所關蜀墅塘在二十五都尤  
巨浸也邑自漢時顏烏築父墳羣烏銜土以助因以名縣  
厥後人才輩出 國初朱之錫督河十年歿而爲神其最



著者考河工每年歲修百數十萬堤愈培底因之愈高故決卽難收顧前人混水龍等疏濬之器入底旣不能深而用之亦月不數次近日旣用挖泥機船見效矣則何不以輪船兼帶挖泥機器常往來河中兼收客貨水腳以資津貼輪船吃水旣深一遇淤塞卽挑挖第使中泓常有數丈寬深處則水流成槽刷淤自力雖河性不常而一步不挖則一步不能行無所容其粉飾推延便民卽以固工也非然者卽不爲輪船往來計獨不爲積淤漫堤計乎



永康縣序

永康在府東南百一十里東西廣二百六十五里南北袤  
百里東至仙居二百四十里南至縉雲八十里北至東陽  
六十里征地丁三萬二千七百餘漕項千餘兩學額十二  
名令典諭訓右營千總各一兵二十三名光緒丁丑衛撫  
榮光以邑入堡山距城二百二十里與台州交錯素稱盜  
藪奏移縣丞駐紮兼防永仙轄邑四五六七都並仙居二  
十三四都又移右營都司同駐撥兵四十名永康裏溪兩  
千總東陽把總夾溪白峰兩外委皆隸焉然缺過瘡權過



輕又無城池故各官仍住邑城是處關繫金台處三郡防務山深地廣若量撥附近各邑之地增設縣治則草萊闢人民聚教養周防捕嚴裁冗員以充添設之官撥釐項以資興建之用費不過三四萬緡亦一勞永逸之說也邑水一曰華溪出邑密浦山至邑城合南溪又西合大洞溪入武義下流抵郡爲永康港一曰南溪出縉雲土母山至邑城與華溪會一曰酥溪出邑二十都峽歷長田曹園下溪紫柏與華溪會一曰李溪出邑四十四都峽至水崢巖與南溪會其長溝六十里毗連處郡關係十鄉水利則同治



初本道鏐汝瑒重開者也攷添設廳縣於教養防禦最爲有益然丞佐過多亦足擾民故督撫府道諭訓之同城前人曾痛言之而我朝歷次裁汰冗官無慮千百數至於局員冗濫近日尤疊奉嚴旨裁併良以一員歲用須近千金上少一官卽下少一累也然或者謂轅門聽鼓千百成羣裁一差缺卽絕一生機則在別有道以處之矣史稱唐中葉破格用人士多競進而黜逐不少寬人亦相畏天下以此粗安斯亦一術與



不以其賦交漢亦一

晉中葉蕭赫用人士

文靈疑一

千金土少

員武

人言

齊益

師本

館

書

圖

江

浙



武義縣序

武義在府南八十里方廣六十里東至永康五十里西至  
宣平百里征地丁二萬六千七百餘漕項八百餘兩學額  
十六名令典諭訓左營把總各一兵十名水曰武義溪卽  
永康溪至邑境合八素溪抵縣西南與遂昌來之熟溪合  
流出郡城爲南港熟溪堤在邑西二里引水爲畝澮者四  
十二其末則長安堰下分爲三山堰中堰曹堰皆水利之  
要也自杭赴溫處者至郡易小舟溯流經邑境至永康然  
後起旱向縉雲踰桃花嶺邑東有講堂山爲劉孝標讀書



處明招山前有蠟屐亭爲晉阮孚隱居處未知一生能着幾兩屐蓋指此邑民畏閹役甚於官長考閹役之害莫甚於粵東一票之費輒數十緡驗勘夫價輒數百緡千餘緡監禁則必罄其產班館管押亦一二百緡私刑之酷慘於炮烙近日杭嘉湖各郡皆由士民捐設遷善局洗心所諸處管押輕罪人犯請委員彈壓以紳董司其收支之籍饗殮衣墊藥餌棺木備極周到惟管押輒二三百人有羈留二三年者倘仿洋人監禁例令充當工作或使之學習手藝得錢自用則不但筋力流動可免疾病他日釋放亦得



精一藝以餬口善法也攷西人學問雖陋而其立政以與  
民同欲爲本以因事制宜爲用光緒乙未 上諭畧謂求  
治之道當因時制宜疊據內外臣工陳奏修鐵路鑄鈔幣  
造機器開礦產折南漕減兵額創郵政練陸軍整海軍立  
學堂等條大抵皆以籌餉練兵爲急務恤商惠工爲本源  
皆應及時舉辦至整頓釐金嚴核關稅稽察荒田汰除冗  
員各節倘能破除情面必於國計民生有裨著各督撫與  
藩臬暨地方官悉心籌畫文到一月內覆奏大哉 王言  
仰見轉圜妙用畛域胥融矣上下孚則賞罰當奸僞去則



事業成效固捷於桴鼓也

...

...

...

...

...

...

...

...

館

書

圖

江

浙

浦江縣字



浦江縣序

浦江在府東北百一十里方廣百二三十里東至諸暨百一十里東南至義烏六十里西南至蘭溪西至建德各百一十里西北至富陽百八十里東北至桐廬百里征地丁二萬九千二百餘漕項五百餘兩學額二十名令典諭訓左營千總各一兵十四名龍峰山在邑東二里山巔有塔其支龍自仙華山迤邐而來環於邑左山後曰東峰再後有山曰壽峰三峰相連蓋邑治東輔也伏蟾山在邑西一里龍自杭口山環邑之右縣治之西輔也湖山峽在邑東



十里對峙如門水流其中水曰浦陽江在邑南出邑西深  
裊山下流經諸暨抵蕭山臨浦塘外入大江邑人物以宋  
景濂學士爲最而鄭氏九世同居尤爲今古所難考商鞅  
爲功利起見令父子異籍本君子所不取然世俗富室因  
慕同居之名而致於中墮者亦復不少蓋治家之道情重  
於法必能如鄭氏家長生死相讓然後家人化之否則誠  
信未孚不能守無私積之訓者眾矣先勞未至不能殫勤  
苦之力者多矣譬如十人共有萬金分之不過各可千金  
耳而合之則各如萬金之揮霍負債鬻產勢所必至此司



馬公見士大夫必問以家計也邑東大水曰浦陽江

出并  
礪嶺

界連  
建德

三十七里至縣城又四十四里至楊家牌入諸暨境

始通小舟南界水曰梅溪長五十五里入蘭谿北界水曰

湖溪長八十一里至金沙渡入富陽境爲富祿水出大江

金沙渡十三  
里界桐廬境

邑亦製火腿杭省販火腿者祇准金華義烏

東陽永康浦江五邑人猶之松木柴薪祇准嚴紹兩郡人

販賣城內拜客不准過江轎夫接擡皆藉口辦差爲壟斷

也近日浦江書院取給彼處之在杭業腿者每緡抽錢二

枚歲得百二十千亦善舉與



對列於百二十十本善...  
 出並日...  
 迎寶...  
 東...  
 星...  
 金...  
 助...  
 敏...  
 浙...  
 溫...

浙江圖書館

易谷... 孫... 字...



湯谿縣序

湯谿在府西南五十五里東西廣四十二里南北袤百一  
十里東南至遂昌百四十里西至龍游八十里西北至蘭  
谿百里征地丁二萬二千四百餘漕項三百餘兩學額十  
六名令典論訓右營把總各一兵十名水一曰澂江在邑  
北三十里上接衢郡合盈川水過龍游又五十里至邑油  
埠下游經蘭溪抵杭一曰白沙溪在邑南三十里自遂昌  
北流至金華與永康溪滙有三十六堰灌邑十都十一十  
四都及遂昌二十五六都之田因田多寡定注之大小堰



各有潭有塞一曰白溪在邑東宣平遂昌二縣之水會於石坑北注爲巨浸婺衢間要津也永湖在邑北三十里寬八百畝中有張氏村四面皆水髮逆時賊守邑與龍游蘭溪爲犄角蔣果敏率軍力攻邑城屯大軍於湖鎮血戰七月八月蘭溪賊屢由江坑花園來援金華賊屢由酤坊白龍橋來援又糾大股自淳安犯遂安自松湯犯浦城遠包我軍後迨後蔣用降酋計收復邑城游蘭賊亦同日並竄額設湯蘭江港汎巡船首尾聯絡非無故也



衢州府圖

浦城縣

梨山店

大竿頭

二十八都楓嶺遊擊

小竿頭

艾君嶺

仙霞關

廣益嶺

豐界

紅橋

鳳林

石門

清湖大

園花

銅錢嶺

雙溪口



玉山界

草坪



西高峯

衢州鎮

三衢山

梧桐峯


石耳山

白沙德興界

婺源界

百濟嶺

休甯界



閭嶺

遂



龍泉界

塚公嶺

昌界

蓮象山

上塘山

赤津山

湯溪界

浙江

衢州府  
西安縣  
金衢嚴道

樟樹潭  
平湖灘  
安仁舖

史家埠

徽峯

龍游縣

湖鎮

寶塔嶺

上方嶺

梅嶺

壽昌界

安界

羅埠

裴家堰

蘭溪界



衢州府序

衢州居浙西南自杭湖富陽桐廬建德蘭谿龍游至水道  
五百六十里東自湯谿至金華府城百五十里南自遂昌  
松陽至處州四百六十里北自壽昌至嚴州二百八十里  
轄邑五西安爲附郭首邑東七十里曰龍游縣城東南北  
依水西面平衍邑中五嶺皆形勝所關西北百六十里曰  
開化縣北境馬金嶺與皖休甯界溪水所出西之石耳山  
周三百里與婺源德興界歇嶺則由白沙通德興路也西  
九十里曰常山縣西過草坪接江西玉山界邑東三衢山



爲一郡之主西高峯爲一邑龍脈木棉嶺爲江山要道馬  
金溪自開化華埠來會馬在溪黨溪過縣城又會虹橋芳  
溪水經招賢關抵郡西南八十里曰江山縣西過仙霞關  
接閩廣豐界楓嶺營在焉郡城崢嶸山爲守者所必爭可  
引石室水爲濠而守仙霞以扼閩守豪嶺以制括防壽昌  
於梅嶺絕遂安於威嶺皆要地也郡水曰衢港名信安江  
有二源北源曰金溪由開化縣城經常山過郡下龍游至  
蘭溪與婺港匯下抵錢塘南源曰文溪出仙霞過峽口紅  
橋經江郎歷鳳林石門清湖縣城抵郡城雙溪口與金溪



合郡界福建江西安徽數省歷代用兵之所耿逆時大軍  
守銅錢嶺三年髮逆之亂賊登撲郡城圍攻六十日不破  
屬邑盡失左侯入浙設糧臺於玉山血戰衢防者一二年  
現存衢州鎮中左右城守楓嶺五營共兵千二百三十四  
名征地丁十六萬二千餘兩釐局五處收貨釐十一萬餘  
茶捐萬一千餘府學二十五名郡守峽口同知經獄照磨  
教授訓導金衢嚴道各一守禦所千總一田坐西安縣同治五年馬撫新貽奏准減作八  
八折尚郡中大山重疊礦利頗多舊有南北銀場之名攷  
未足額康熙間浙中錢局採銅白鉛於富陽銅黑鉛於武康諸暨



採白鉛於山陰會稽採銅於餘杭凡六處而外此如烏程  
銅峴山會稽銅牛山蘭溪南住山產銅鄞縣錫山銀山灌  
頂山產錫銀鐵諸暨五寶山產銀銅鐵錫松陽烏礪山產  
銀溫處之煤鐵礦尤盛奉化溪中亦產鐵金華并有煤井  
西人精於化學者凡見石面上有青黑花形及平地隱隱  
有一條突起如山或一條凹下如澗或其地草木獨異則  
掘至三四丈必有五金之礦又其下小石與大石相附麗  
而自成一色者西人謂之果晤分別其脈絡以水銀灌之  
果晤中有金可取至於鐵鑛審水色以辨礦質愈紅則鐵

愈多用鑽也幾器深土至一尋博料正以分礦苗架淺間格



愈多用鑽地機器探土色厚薄斜正以分鑛苗深淺間格  
方向南斜則鑛在地之北本有可憑近日滇黔皖直臺灣  
開採日盛滇砂二百萬斤得銅十萬斤而粵東弛鐵稅釐  
准民隨地開採尤便不但採及煤鐵如蒙上歲試辦之確  
石造黃白火藥尤妙倘察驗各鑛先行試辦俟有成效始  
籌款大開亦自然之利開鑛機器甚多而拉重舉重注生  
氣車水等器尤要中國諸局亦可製造抑尤有說者浙中  
徧用洋銀傾淨不過得紋銀十分之八而本洋行用較紋  
銀有加是以外國專視爲利權法役時蒙條陳摺內曾有



酌仿乾隆間衛藏開鑄大小銀錢之請今粵鄂果鑄有成  
效且諭令各省一律鼓鑄以補園法之不足然粵洋行  
未數年卽有低挫諸弊任事貴得其人與



西安縣序

西安爲郡附郭首邑東西廣七十五里南北袤二百里南至遂昌城二百八十五里北至遂安城二百三十五里征地丁五萬一千餘漕項二千餘學額三十名孔氏學額二名令典諭訓縣丞全旺巡檢衢鎮中營遊擊三營守備城守營都司各一郡釐總辦兼西安局抽萬八千餘並管郡鹽額引三萬八千餘張邑南山峭矗東南入括蒼則黃檀羅樟諸源最險明時兩處皆設巡檢北山爲故礦場界連歛睦徑雜山深外藉峽口杜澤雙橋諸大村爲捍

邑東村五里全



旺南三里石室又七里黃檀北四十里杜澤又十里峽口西入定陽山尤多聚落稀少

最為可慮爵豆山距邑南八里產銀塘沿王家山現議開煤礦爛柯山

距一相傳王質觀棋處也水一曰東溪距城六十里源出

遂昌界至盈川匯流下龍游一曰西溪即常山與江山水

俱至郡城四里之雙溪口環城西而過引為城內河道下

游經龍游抵杭省郡山高水駛專恃塘堰為命邑中為堰

百二十為塘七十二三都之桃枝堰則同治初署道劉

汝鏐重修者也而尤以十一都石室堰為要倘能恪守成

案四月封堰九月開堰簽田多者為堰長不准包充漁利



貨物俱由堰溝至郡城南門盤壩入江又力除勘堰供應  
則農商兩便矣邑聖裔自宋南渡時四十八世孫衍聖公  
孔端友徙居其中襲爵如故紹興間始賜田五頃立廟於  
城北菱塘元至元間詔端友之孫洙承襲曲阜嫡爵洙固  
辭乃授國子祭酒仍守衢廟明永樂間廟燬遷於崇文坊  
故西安學宮弘治間始以聖裔彥繩襲五經博士主衢祀  
至今勿替此孔氏學額所由來也邑驛務最煩攷浙江水  
驛無馬無論幾百里挑單皆一時行二十五里爲準然奏  
遞如遲延數刻卽被剖查有鄰罰革留等處分



浙江圖書館

皇存系亭



龍游縣序

龍游在府東七十里東西廣五十七里南北袤百五十里  
東至湯谿城五十里南至遂昌城百五十里北至壽昌城  
九十里東北至蘭谿城百里征地丁三萬八千餘漕項二  
千餘學額二十名令典縣丞諭訓湖鎮巡檢千總各一兵  
四十九名溪口把總一兵十名驛前外委一兵十五名龍  
游釐局抽二萬四千餘佐貳辦赤津嶺在邑南七十里爲  
邑中五嶺之一守之則括蒼之寇不能北下梅嶺在邑北  
八十里與壽昌界爲江浙入閩衝道舊設驛館於此東華



山有姑蔑子墓

馬淤葉九蓬杜塢山

魏議開煤礦

龍邱山在邑東四

十里龍邱甚隱處水曰灑江即江常二水自雙溪合流後

四里至郡城為信安江又十五里為雞鳴山對面即樟樹

潭有盈川水自龍泉松陽北界來匯又十五里為安仁舖

又二十里為盈川又五里為馬堰入邑境又五里為團石

又十里為龍聖殿又十五里為城外驛前街釐局在焉浮

橋橫且足資利涉有靈溪自遂昌北界經邑靈山港九十

里至泊鯉灘來匯下游一里分南北二派南行者五里寺

湖二十里湖鎮又五里茅頭潭又二十里湯谿縣之油埠



下游出蘭谿抵杭北行者經童壇殿灘十里張家埠經斗  
潭左右有二水來滙左水出松陽北界七十里經白鶴山  
來曰築溪右水卽蘭溪西界及壽昌之東西溪水二水合  
後又十里蛤蚧溪又五里柴埠與南行派合城內舊引靈  
溪爲小河極繁盛近頗遜論者謂舊日靈山水至城外過  
通駟橋分爲二派一出泊鯉灘過文昌橋一繞城至小東  
門過百子橋近日橋圯水塞故遜或亦然與邑釐局上距  
西安下距蘭谿皆數十里一水直達無他途可以偷漏倘  
裁西安局併歸龍游收解課入無短商便用省亦一說也



邑雖處衝途民情尙樸壬辰蒙權釐彼間著勸善要言註  
 解朔望宣講頗有聽者搭抽筭捐湊充育嬰經費咸知踴  
 躍創設驛前街義學皆願按月簽項垂之永久亦難得也

浙江圖書



江山縣序

江山在府西南七十里方廣百六十里北至常山五十里  
南至遂昌百廿里西至江西玉山八十里南至閩浦城二  
百二十里征地丁三萬三千一百餘兩漕項千餘學額二  
十名令典諭訓縣丞廣濟驛丞兼巡檢右營遊擊千總各  
一兵百名鳳林把總一兵六名杜澤把總一兵十名楓嶺  
遊擊千把總各一兵二百七十六名清湖局邑十五里峽口同知駐處  
抽貨釐三萬有奇茶釐千兩廳縣辦自江西廣豐來者歲  
此起捐邑璩公嶺在南六十里路通括蒼紅旂嶺在邑西



十五里路通玉山水曰大溪出仙霞諸嶺匯流至清湖渡始通舟楫又東北十八里爲大溪灘有浮橋一名渡江頭爲邑衝要處又東北至郡爲衢港由閩入浙路程自閩省三百六十里延平府又二百三十里浦城又三十里梨山店自店南至浦城北至峽口俱一日又十里爲楓嶺營又五里爲大竿頭閩浙分界處又十五里爲念八都楓嶺營遊擊駐處又十里爲小竿頭又八里爲蒼嶺又七里爲仙霞嶺又十里爲嵯嶺自梨山至嵯嶺六山皆與仙霞相連七十里中極險又二十里爲峽口鎮又九十里爲清湖鎮



距邑十五里自此買舟七八日可抵杭省仙霞關高三百六十級二十八曲長二十里因山成塹附近舊設五關東三十五里曰安民路通遂昌西三十五里曰六石路通江山玉山西南十里曰木城西南五十里曰黃塢皆通永豐西南八十里曰二渡距浦城百一十里出關卽廣豐界五關以二渡尤險從廣信由此而東歷盆亭司分水關五十里直出楓林之南則仙霞不足恃矣



浙江圖書館



Faint vertical text columns, likely bleed-through from the reverse side of the page, containing various characters and possibly names or titles.





常山縣序

常山在府西八十里方廣七八十里南至江山五十里比至開化八十里西至江西玉山縣七十里征地丁二萬四千二百餘兩漕項千餘學額二十一名令典諭訓縣丞草坪巡檢左營遊擊千總各一兵九十九名草坪把總一兵十名常山釐局抽貨捐四萬六千餘茶捐千六百餘州縣辦由江西入境者於此起捐常山在邑東三十里上有田有湖有石環如城西高峯在昭慶寺後爲邑治龍脈三衢山在邑東五里支派三道爲郡主山木棉嶺在邑南十里



往江山要路自玉山三十七里至屏風關爲江浙分界處  
又三里爲草坪又五十里至邑又四十里至招賢關又六  
十里至郡水以金川最大自開化城十里華埠十里界首  
入境又五里文圖會馬又三十二里儻溪口合一都諸水  
五里至城又滙新開溪合江山來之私溪石磴溪名曰三  
合水下游直抵郡城四里雙溪口與江山大水合邑爲江  
浙兩盡之地以浙拒江則封草坪之關以江拒浙則塞漁  
溪之津趨江西者至邑起早八十里抵玉山再買州向廣  
信鉛山起早邑人嘗議自儻溪三十里溯流挑鑿西抵九



都黃獅塘下江澗與玉山之干溪接以通舟行其儻溪三十里皆已通漁船惟原隣五里及泊玉山之五里挑剷頗難然儻溪以上三源溪形舊河胡家源長淤源等四水皆有本源倘造壩閘以蓄洩之亦易事也邑人江景防仕吳越錢氏當時浙賦奇重及納土日防取賦籍沈之幾罹不測然浙賦自此大減自防後開常二邑江氏累代巍科顯宦至今勿替有大功德於民者必享其利以及子孫信然與邑城距大河數里西北跨山東繞兩溪水店戶七八百城北沿河十五里爲石灰窑近煤山灰燒以煤每洋可七




浙志便覽

卷之三

三

八百斤



浙江圖書館

開七係字





開化縣序

開化在府西自郡城溯流經常山至百六十里東西袤百  
二十里南北廣百六十里南自界牌至常山城八十里北  
自江嶺至皖休甯城二百四十里東自豐家源至遂安城  
百二十里西自濠嶺至德興城百五十里西南自菱塘至  
玉山城百一十里西北自百滌嶺至皖婺源城百八十里  
征地丁萬八千餘兩漕項千餘兩學額十七名令典諭訓  
縣丞金竹嶺巡檢城守華埠把總馬金外委各一兵二十  
五名

常山遊擊轄

華埠局收貨釐六千緡

另茶釐千兩

廳縣辦雲



霧山自西北繞西南周三百餘里與婺源德興玉山界屢

有人請 旨開採材木以叢盜而罷城北二十里為明連

村有居民數百戶又二十里為馬金街有店戶二三十又十里為金竹嶺

又二十里為馬金嶺邑往遂安休甯婺源者皆取道馬金

街過此則萬山重疊實為邑之後戶近日械鬪成風互相

毆殺而金竹嶺巡檢久住華埠非設官初意矣水一曰金

溪有二源一出馬金嶺即遂安之西界水其東水則出嚴

州者也一出百漈嶺即休甯之南界水其北則自徽州亦

出嚴州者也兩水俱至馬金街合為馬金溪西南四十里

至縣城鐘山水又三十里抵華埠向常山趨衢巷華埠至





出嚴州者也兩水俱至馬金街合為馬金溪西南四十里

至縣城鐘山水穿城來又三十里抵華埠向常山趨衢港華埠至

城每日僅有二小舟自城至馬金街則惟用筏而已又一

水曰龍山溪亦有二源一出德興東界之濠嶺一出玉山

北界之梨嶺俱至黃岸合流十五里至星口街又十五里

抵華埠與馬金溪匯兩處皆有店一又一水曰馬廷溪源出白

馬山合大駛小駛二澗出華埠下十里石門鄉入常山境

蓋亦遂安之西界水也邑為皖浙江西交界之處有事首

當其衝耿逆髮匪皆淪陷數次城東繞溪水龍潭口石埭

百餘丈最要自鐘山迤西而南至塔山雉堞皆跨其脊曠



野難守境分東西南北鄉凡三十七都貿易皆仰給華埠

亦咽喉所在有店戶數百辦洋茶者數家鹽店六所常山歲銷引二萬餘邑

則歲銷三萬餘蓋肩往江皖鹽多也然自此而外市集有

二三十店戶者不過六七處而已即城內亦不過店戶六七十民居六七百邑

民皆食包粟間用紅米秋冬盡糶春夏常至缺糶地瘠民

貧而自華埠釐局巡檢汛官外即一水役亦歲可千緡民

力概可見矣攷浙釐章程載貨由德興婺源入浙者於華

埠起捐固以彼為往來通道也不知彼至兩邑皆山路二

三百里貨來有幾所抽無非邑民日用之物而本境所產

其本竟民用別處無稅此青區獨苛取焉亦設局之初未



供本境民用別處無稅此瘠區獨苛取焉亦設局之初未  
及察耳倘將華埠一局併歸常山起捐無論本境外境之  
物倘欲運售於百里外何能飛越不但額釐無虧而上歲  
省數千緡之局用下復歲減數千緡之中飽邑其有豸矣  
余癸巳蒞彼欲爲民請命適奉調而去邇者御史鄭思賀  
奏稱江西有釐卡七十餘處曾於甲午六月十二奉

旨飭令各省一律裁併是以河南全省祇八局九卡裁併  
五處福建百一十二卡裁三十六處浙中大小局八十六  
子卡三百二十五將有以裁併之矣

邑向產煤近復於十  
三都查有金銀礦



洪元復覽

卷之三

三



浙江圖書館

深皮歌縣界





嚴州府圖

休甯界

白際嶺

坎厦

黃尖嶺

章村

開化界

港川

豐家源

後村

上方嶺

昏口 龍山林屋

橫沈石

九門橋

毛家灘

遂安縣

六

欽嶺

瀛山書院

黃蔚嶺

朱詹論學處

威坪

深渡欽縣界

龍渡橋

水口

港鎮

五寶山

西湖

嚴州協

路東舖

清安縣

坂名

歌舞山

龍馬

分水縣

塔嶺

昌化界

於潛界



龍游界

梅嶺

蘭溪界

青龍山

文溪湖

壽昌縣

洋溪鎮

新安

東湖

府州

山東山

出瀆

烏石灘

東關

有江

入龍

浦江界

安山

桐廬縣

桐君山

新築

宮陽

徽州府序



嚴州府序

嚴州居浙西上游昆連徽州由省溯富陽桐廬至二百七  
十里自壽昌至衢州府城二百里自蘭溪至金華府城百  
四十里轄邑六皆在萬山中附郭曰建德縣東接蘭溪面  
受重江背倚龍山南九十里曰壽昌縣屏風關界分皖浙  
上方嶺緊接遂安爲衢後戶南百八十里曰遂安縣西接  
婺源婺峯義山之奇絕溪之水所出西一百四十里曰淳  
安縣青溪環其前蛟峯鎮其後西北百二十里曰分水縣  
烏龍馬目二山聳峙於郡外巽之位徽婺二水至此分流



北百里曰桐廬縣長山爲一邑之主巖灘而上子陵釣臺  
 在焉郡水最大曰新安江合皖歙黟休婺諸水經淳安抵  
 郡城與蘭溪之衢婺二港匯下桐廬富陽爲錢塘江次曰  
 龍溪出遂安西界經縣城抵淳安之港口鎮入新安江曰  
 艾溪出壽昌西南經縣城抵建德路東舖入新安江曰桐  
 溪發源天目接於潛昌化諸水出桐口入新安江下桐廬  
 縣現存嚴州協左右二營共兵四百三十八

嚴衛津租坐桐廬縣同治

五年奏准以八征收

釐局三處歲收百貨茶捐七萬五千餘郡守同

知經歷教授訓道各一學額二十五名郡肘腋婺衢吭咽



歙黟爲省城最近堂闈前代爭杭多以嚴爲根本因保甲  
爲團練亦未雨謀攷咸豐間湖甯台辦團有功金紹辦團  
債事亦在得人而已誠擇廉幹者爲守令因保甲紳士分  
別若者有謀若者善戰若者足司出納供奔走皆加以恩  
禮聯爲一氣則有事時謀士勇將皆其選也又就門牌中  
擇其可以當勇情愿應募者別爲一冊聽侯有事時給餉  
徵調其前經當勇者并輪插防營中一人學戰歸可教十  
人一人見敵他日可爲十人壯膽目前歸我銜勒不至非  
爲卽有事資其練習可備緩急也操練一道又現時兵勇



所宜講求以分合進退靈便爲上而五花六門之陣可緩以施礮精敏奔走趨捷爲上而弓矢牌刀其後近時競尙洋砲平陽山嶺以克虜伯車砲之六生特七生特半口徑爲宜平原攻守則以八生特口徑爲上而近日金陵自製之格林砲管分爲十實以雞心彈搖之聯珠吐出尤妙至洋鎗十三響之士得馬七響之靈敏敦與夫黎意毛瑟馬梯尼凡一切後膛皆極靈捷惟各鎗砲出于每有偏於左右前後之弊又發響過多錙軟勁鬆每易失火打靶固貴精熟修理機器之匠亦刻不可少此則蒙所歷試者也至

彈子各視鎗砲爲大小準頭亦視鎗砲爲上下倘各軍之



精熟修理機器之匠亦刻不可少此則蒙所悉試者也至

彈子各視槍炮為大小準頭亦視槍炮為上下倘各軍之

槍炮皆同則彈子彼此可以互通軍士亦彼此無非素習

近日承辦軍械之員往往貪圖微利置軍國重事於不顧

在若輩債累所迫無異挺而走險固無足責每省需次之員數千仰食

於彼者何啻數萬合之天下則徒手遊食者近百萬矣窮斯濫勢實使然顧為上者茫無覺察

旁觀者亦終不一言何哉蓋堂簾之分既尊而長官於屬

吏亦往往數月弗一見僉王之輩遂得要結二三近習以

售其奸欺固無事不然也書稱闢四門明四目達四聰實

為虞廷郅治之本明王鏊請復內朝疏云上下之不交由



於地勢遠絕欲令侍從以下凡三五日各一員上殿輪對  
 或賜坐免鞞使盡所言至韓退之上宰相書則謂使其時  
 輔理承化之功未盡又非聖人之才無叔父之親則周公  
 將并食與沐而不暇矣此皆任事者所宜先也迺者西人  
 議院之設雖農夫賈豎無不得上下相接各暢所欲言用

錯無偏事事著實卽以此哉

乙未張督香濤購德國十響毛瑟快槍五萬枝每枝價銀

十五馬克彈子二千五百萬顆每千顆六十二馬克銀一兩合三馬克零四江南局製洋藥三十萬磅奏價四萬兩



建德縣序

建德爲郡附郭首邑方廣百二三十里南至蘭溪九十里  
東至浦江百一十里征地下三萬一百餘兩漕項千餘學  
額二十五名令典諭訓嚴協左營都司守備千總右營守  
備把總暨建德汛把總巡江把總各一東關局抽貨釐四  
萬有奇茶釐二千六百餘知府辦紹所鹽出港於邑城與  
富陽窄溪三處稽查邑東南北三港水漲時每虞盜劫前  
人聯絡漁船互相守望誠善策也郡城枕龍江面馬目東  
門內爲東湖西門外爲西湖水自東湖由太平橋繞江家



塘達西湖有壩以資宣洩 國初時壩圯湖水分流三十

年間科日罕見康熙時修復水由壩出呂公橋以達江文

運復興五寶山距邑西八十里

金銀銅鉛鐵五山同出一脉現議開路山莊馬澳脚

煤水曰新安江自大同溪合滄遂壽諸水入境下游再合

烏龍山來之水及馬目溪水雲岫山水至距城二十五里

滙為胥口江亦名建德江再東南五里與蘭溪大江滙抵

杭省浙江水道自浦城至江山縣之清湖鎮開駛十里至

江山縣九十里至雙溪口與常山水合又四里衢州府城

又九十里至龍游縣城又八十五里蘭溪縣城與金華水

合又九十里至嚴州府城與富安水合下流十里方郎灘又五



合又九十里至邑城與潛安水合下流十里方郎灘又五里烏石灘又五里胥口又四十里釣臺又三十里桐廬縣又二十五里新城縣港口又七十五里富陽縣又七十里聞家堰又三十里錢塘江驛又十里鳳山門十里武林門十里北新關再買舟五六日可抵蘇州此官驛也邑爲古睦州卽新安郡自南北朝沈瑀教民男丁各種桑十五株柿梨栗各四株女半之亦足民之術也

浙



浙江圖書館





涇安縣序

涇安在府西湖江至百四十里方廣百五十里西南至遂安六十里北至昌化二百三十里東南至壽昌百三十里東北至分水百五十里西北至歙縣二百有三里邑無城垣額征地丁四萬五千四百餘兩漕項九百餘學額二十六名令典諭訓左營把總各一兵十名威坪把總一兵九名威坪局在邑西六十里歲抽貨釐萬一千餘茶釐萬四千餘廳縣辦徽州入境者於此起捐水曰新安江自休甯屯溪經徽郡水過威坪繞縣而東與東溪合下游二十里



港口鎮合遂安水又二十里茶園鎮又四十里路東舖與  
壽昌水合又十五里洋溪鎮又四十五里郡城又五里嚴  
東關滙蘭溪水下抵杭城威坪茶近亦大遜自中外通商  
後洋人歲售中國貨物稅輕價廉盡奪土產銷路以致土  
產日絀曠土游民日多貧而爲盜中國所恃以轉售者不  
過絲茶各二三千萬耳乃近來日形減色就光緒己丑計  
英商銷茶六十五萬餘担較舊短銷四十二萬餘担俄商  
銷茶四十八萬餘担較舊短銷十七萬餘担已短近六十  
萬担而就庚寅論漢口銷茶十一萬餘担較己丑短銷四

萬餘担九江銷茶萬七千餘担較己丑短銷三萬一千餘



萬餘担九江銷茶萬七千餘担較己丑短銷三萬一千餘担福州銷茶二十一萬餘担較己丑短銷六萬担合計又短銷十三四萬担矣蓋因印度西郎茶并不抽稅即日本茶亦僅抽稅一圓外國之茶既日盛中國稅釐與山價相等又多用柴火烘焙味劣色減更有以麤梗攪和者故至滯銷而就此兩年論上已短二百餘萬之捐項下已短七八百萬之生計曷勝浩歎攷光緒乙未洋貨進口冊值銀一萬七千一百餘萬兩雜貨七千八百餘萬棉貨五千三百餘萬洋藥近三千萬較舊減千萬絨毛三百餘萬中國出口絲僅三千餘萬兩機噐繅絲銅鐵八百餘萬居三之一



茶僅二千餘萬兩耳

紅茶二千三百餘萬兩綠茶三四百萬兩茶磚茶末百數十萬兩俄銷磚

末七八十萬担大半由恰克圖返

若并區區之茶而日減不益絀哉抑尤

有說者畿輔東三省新疆因天寒不產茶人多飲沸湯解渴陝甘磚茶係南省茶末所製每片重四斤本銀二錢須稅脚七錢故兩省僅歲銷茶引五六千近日洋人把持茶市商人叠困何如大減稅釐使暢行北地則洋價自增商

課兩裕耶

浙



桐廬縣序

桐廬在府東百里東西袤八十五里南北百三十里東至富陽八十里南至浦江九十里北至分水八十里西北至新城七十里征地丁二萬三千四百餘兩漕項三百餘學額十七名令典諭訓導縣丞千總巡江把總各一桐君山在城北一里上有塔邑之主山也宋時皖越路程多出邑西繞烏龍山背出壽昌白沙渡近代始專由水道富春山在邑西廿七里前臨大江山腰二巨石作欲傾勢相對峙爲東西釣臺上有亭相傳于陵隱釣處也清冷山在邑



西周七十里 金家山現議開煤礦 鐘山晉周顒為孔稚圭北山移文

所誦卜居於此娘嶺在邑北二十里上通金衢下達省垣

大水曰桐江即嚴州大江至城南歷富陽為浙江小水曰

桐溪出天目山經於潛歷昌化分水至城東入桐江自桐

溪至於潛有九十六瀨灘高水急最難行窄溪在邑南岸

十六里乃甘溪之下流接浦江北界水分派東流三十里

入江名窄溪埠與新城港相對紹所之鹽於此稽查桐洲

在江中二十五里表延二十里南臨大江北有後港以富

陽趙家灘為界七里龍在邑之南嚴陵瀨水出其西極清

產鱖魚係釣臺下者新安江自皖歙縣至界首入淳安境



榜龍家灘為界七里瀧在邑之南巖陵瀧水出其西極清

產鮐魚係釣臺下者新安江自皖歙縣至界首入瀧安境

十里威坪水深二丈有又十二里王家山雲濛溪自歙

里渡村深一丈梓二十三里瀧安城三里南山麓水深二

長百二十里來會十五里港口鎮會遂四十里茶園十三里芹坑

村入建十六里路東埠會壽十一里洋溪鎮十三里下涯

埠水北二十一里至十里埠西溪又八里府城水深又四

里東關會蘭七里茗溪口六里下社村以下至釣臺謂之

激又七里胥口埠水深又九里冷水坑入桐又六里釣臺

深丈七廣又三里下汪莊深四丈有又八里麻車山深丈

百四十丈又三里下汪莊蘆茨溪來又八里麻車山七廣



四百四丈中有  
唐子洲留江灘

又十六里桐廬東門

會分  
水港

又十一里柴埠

鎮

深二丈中  
有九里洲

又六里窄溪鎮

深丈三廣百丈溪  
對岸來長六十里

又六里梓

溪富陽界

江中桐洲  
桐富兼轄

邑自嚴子陵後代有隱者范文正即

釣臺下建子陵祠并畫謝皋羽像合施肩吾方元英皆附

祀焉謝登西臺擊玉如意哭文天祥傳為烈舉故并祀文

而邑夏孝先徐亨者以孝弟著相傳孝先父墓遭火環泣

羣鳥濡羽以止徐亨兄為賊擄以兄能養母叩頭請代亦

嘖嘖人口者也



遂安縣序

遂安在府西湖江至港口赴縣百八十里方廣百二三十里東至淳安六十里西至皖休甯二百二十里南至西安一百七十里西南至開化百三十里征地丁二萬二千一百餘兩漕項九百餘學額二十一名令典諭訓右營把總各一兵十名龍山茶局在邑西四十里抽銀五千兩佐貳辦境分十八都自東北樟村之黃尖嶺迤而北爲百際嶺又迤而西爲大連嶺小連嶺歙嶺黃蔚嶺皆高數十里路跨其脊爲皖浙分界遂邑防堵六嶺爲要水大者曰武強



溪自太屢樟村滙抵余家經昏口龍山黃沿八十里抵縣南門下游出瀆安港口武強之西爲連嶺水過風沂橋抵毛家灘與武強合又西北爲小連嶺黃蔚嶺歙嶺諸水過距城十里之九門橋亦與毛家灘合城東龍渡橋則小水也邑自亂後書院俱廢故文運寂然辛卯蒙權茶龍山請仿善舉例撥茶捐一成規復瀛山書院存詹儀之與朱晦菴講學遺蹟奉崧中丞行釐局批准俟數年餉項稍裕亟行興復多士其企踵以待矣水道自東門下二十里爲東亭鳳林港與大河合又二十里爲界首入瀆安境又二十



里港口鎮與威坪來之徽江合爲邑喉咽港口入遂須用  
筏運載邑西北產茶歲百餘萬觔立夏採者謂之春茶夏  
至採者謂之夏茶粗者裝以篾篋謂之毛茶運往內地加  
製可八九折佳者包以錫罐外加木箱專售洋人謂之箱  
茶用毛茶加製僅五六折同治間皖茶價昂至邑販茶者  
以百計每引山價二三十圓故龍山茶局設分卡十三處  
以防繞越近數年山價僅八九圓茶客不及十家而民間  
雇採濕茶一觔工錢七文四觔得乾茶一觔加以烘焙澆  
種山地諸費力亦竭矣故北新關額引十四萬每百觔爲



一引抽引課正耗銀一錢又抽浙海關稅銀三分四釐近日浙省茶章每引隻茶加釐六錢箱茶一兩梗末二錢出口稅二兩八錢遞年又加賑捐一成皆紋銀上兌其經過各卡費用復不知凡幾計邑茶一引運腳合各處稅釐并製工箱確須銀十二兩山價又八九圓茶經過浙西又加抽塘工五錢而近年售賣洋價勻計僅十六七兩客衰捐緹所由來也改龍山茶織悉皆經嚴東關出口其販往徽州者百中不一若裁龍山茶局併歸東關釐局征解課入無缺而用節民甦亦仰體厯次裁併釐卡之恩旨也



壽昌縣序

壽昌在府西南九十里方廣百里無城垣距遂安百四十里南至龍游百一十里北至淳安百二十里東南至蘭溪七十里西南至西安百一十里征地丁萬六千五百餘兩漕項七百餘學額十六名令典論訓右營千總各一兵十名青龍山在城東爲邑治來脈分繞通衢梅嶺在邑西南四十里與龍游接南宋時凡江西閩廣荆湖雲貴皆取道於此今取道蘭溪非宋比矣邑過浴山出三泉一爲周溪入艾溪一爲協儒溪入淤蜎溪一爲五里溪入神湖溪艾



溪在邑城東城外湖公堤所以禦其湍激也艾溪合三水至翠口再匯竹溪交溪諸水入大同溪過涪安境抵建德路東鋪出新安江長九十里邑與分水武童稀少上年瞿學使按試各缺額數名攷武童弓矢無裨世用沈葆楨曾有改廢武科之請丁曰昌亦奏改營伍弓箭爲練習鎗炮長江水師早奉 上諭不准上岸練習弓矢而武童舊制終不能改近日機器與武備相表裏故現時各學政有考取算學文生之例順天鄉試有撥取算學舉人二名之條若量爲變通令能嫻習洋人水火電光重力化學測算諸



若量爲變通令能嫻習洋人水火電光重力化學測算諸

技者由縣府督撫就地遴取給與武科鄉會生員各額或  
令武試兼習槍礮或推廣繙繹科舉例令出洋使臣錄取  
海外華民之通洋人語言文字測算技藝者投其所好卽  
以資其才而繫其心此輩久與洋人相習且有足備樽俎  
折衝之用者誠一舉而數善也近日如西貢新加坡新舊  
金山及東南洋小呂宋等各處華民間中國義舉皆踴躍  
捐貲若不爲之計是舉百數十萬有用之民棄以資敵也  
出洋使臣歲糜海關洋稅經費一成有半必有以收其效  
與



浙江復原

卷一八三

三



浙江圖書館

子水保亭



分水縣序

分水在府東北百五十里廣百五六十里東至新城百有五里西至淳安百四十里北至於潛九十二里南至桐廬八十里東北至臨安百有三里征地丁九千五百餘兩漕項五百餘學額十二名令典諭訓左營千總各一兵八名邑水自昌化接於潛天目諸溪來者謂之天目溪自淳安諸水來者繞邑城而南謂之白沙溪合流經桐廬出浙江可容百斛之舟明初天目溪至黃潭奔潰不與白沙溪合文風大遜隆慶間築堤障之科目復盛歌舞嶺路通郡城



塔嶺路通淳安桐嶺路通新城俱距邑五十里邑舊日牙帖最重攷浙省舊設牙帖九千九百六十二張分上中下三則上則每張征銀八錢中六錢下則四錢惟邑中上則征至三兩五錢三分泰順亦征至加倍左侯定浙藉請帖費爲籌餉上則納銀四百八十兩中則半之下則又半之其偏僻處再視本則減半然定例子孫承業須補交帖費一半改行移地者祇准抵帖費一成於是上游遂藉爲調劑窮員例差歲必委員一查小本者無力請帖富商因之壟斷爲民病今者額帖旣足續有請者類皆以偏僻下則



爲辭益於上者無多若減其請帖及各署創規諸費通商以惠農民其有豸矣嚴郡童試自遂瀆數百入外邑與桐建壽皆僅敷學額邑境水碓制遜開化開製閘水激車輪於輪中置橫木一條末承以圓孔之架橫木兩向置短柱壓碓尾者數處又置一立體車盤擊磨磨係平體則於磨底置一平車盤掣動磨之上盤底盤之齒與立盤之齒相鬪末又兩向置短柱壓動篩牀之柱與壓碓同水激輪動橫木隨轉則數碓一磨一篩數件同時並發若值水勢稍弱或欲祇用一件則將各件機關相離亦可隨意停止使



創自洋人必詫為奇異矣若更變通其製壓動龍骨車以  
 灌田利豈小哉

浙江圖書館


梳篦

長甯界

福甯界



溫州府圖



圖書館藏



大谷 益亭 邪漢 南盛 小茹 活

知

階

大

飛雲山口

江

浙江圖書館

紅

知

知

書

館

海

南大

温州鎮

嘉

永

望江

會

頭

江

公

協

清

縣

坎門

善竺



楚門


靈山

江夏太平界

杜芳

梅香

白沙



華山

壩

長



芙蓉山

蒲

界 巖 黃

浙志更覽卷之四



浙志便覽卷之四

化州李應珏玉山著

温州府序

温州居省之南由杭取道金處至青田六百一十里又一  
百二十里至郡城由杭取道紹台至黃巖五百九十里又  
二百六十里至郡城轄邑六附郭曰永嘉縣東北白巖寨  
與仙居黃巖界柵溪所出藪盜處北自館頭過塘曰樂清  
縣距郡八十里脉自雁宕來東北每苦山賊倘柵溪建縣  
之議成則永樂兩邑皆可藉爲屏蔽自郡城沿東塘西南



駛八十里曰瑞安縣兩山夾一水繁庶之地自瑞渡飛雲

江沿萬全塘南駛距郡百三十里曰平陽縣濱海界閩文

物遜於瑞邑自瑞乘潮溯灘至百丈口踰嶺距郡二百九

十里曰泰順縣毘處接閩省中歲津貼公費八百兩瘠區

也渡樂清華鋤海中曰玉環直隸廳在郡南百八十里附

近太平春冬大小漁船以千百計大水一曰甌江即處郡

大溪自青田卅里入永嘉深二丈廣一里七十里至郡對岸滙柵溪深六丈廣

三再滙城內外之瑞安塘乃東行廿里出狀元橋趨黃華關

距樂清城三十二里抵甯村所入海距黃花三十里曰甌江口江中大小靈

崑為一郡門戶對岸即磐石衛距樂清城三十三里潮至青田而止



崑為一郡門戶對岸即磐石衛距樂清城四十三里潮至青田安溪而止

一曰柘溪出仙居界八十四里至可渡潭滙南溪溪出聚古山百三十里與柘溪合

再八十里達甌江一曰飛雲江出泰順自北坑山廿三里撒村距秦城十里

經百丈口距秦城七十里深四尺廣五十丈瑞安城距百丈百九十六里深四丈廣二里抵

沙園汎出海距瑞城十一里一曰橫陽江出平陽北港自南雁蕩八十一里與南

港滙南港自山至橋墩合流十一里經錢倉所城距平陽十九里

深二丈廣六丈十里墨城汎入海距平陽十七里一曰雙溪自閩壽甯入

泰順六十里會交溪出秦境長百三十里赴浦安抵福甯入海其太平

甯郡城環列九山稱為九斗西南曰松台西北曰郭公東北曰海壇正東曰華蓋是為



斗魁俱城跨其上東南跨城曰積谷城外曰巽吉正南曰仁王是為斗柄東南曰黃土又南曰靈官是為左輔右弼

江中孤嶼屹立則郡收水處也郡有永嘉雙穗長林等場

鹽行溫處二府祇縉雲行台引四百慶元行閩鹽耳向例

鹽每百斤官給帑本銀二錢由商於掣鹽時同引課等繳

還嗣因無帑可借竈廢運停官辦商辦皆無善策光緒癸

己趙道舒翹乃復改官辦設總局於東門無論閩鹽浙鹽

每斤抽課釐錢三枚又設分局於青田厦河后洋各抽一

錢有半盡除各署規費於是歲額六萬溢近二成温州鎮

中左右城守四營樂清瑞安平陽三協玉環叅將共兵四

千二百二十二名總兵奉兼薪菜心紅馬乾歲支二千二



千二百三十二名總兵俸廉薪菜心紅馬乾

歲支二千二百兩有奇

副將

千六百餘兩

叅將

千二百餘兩

遊擊

七百餘兩

都司

四百五十餘兩

守備

三百

三十餘兩千總

百九十餘兩

把總

百六十餘兩

外委

養廉十八兩月銀三兩米三斗

又奏

禁書識傳號口糧差操攤費後每兵百名按月加給書識

銀十兩傳號

銀一兩

公費

銀四兩

郡府學二十五名共地丁十二

萬一千餘米四萬三千餘穀近三萬凡納銀一兩連耗繳

錢二千五百九十六

泰順減一百

永之構溪樂之大荆另加解

費二百瑞安以紋銀票抵錢每兩作價一千七百樂清歲

收紅封一日萬兩有奇

詳定有數照解費加耗三百多庫書塾交利不盡歸民

米每



石收錢四千八百由府定價解三千四五百另解米餘五

六百同城溫處道兼甌海關務一郡守同通教授各一經

歷兼批驗所大使一温州衛守備一

田坐永嘉征銀四千一百二兩同治五年奏

准作七釐局

總辦兼洋廣局知府一大

折征收六茶局

三土藥一捐十萬郡當閩浙

海道之衝明代倭患始徧

國初唐鄭諸役迭次被兵嘉

慶間海盜亦屢犯咸豐季年先有金錢會之亂髮逆時屬

邑盡失屢攻郡城不下海道西至鎮下關界烽火門二百

二十里東北至台州松門三百三十里至定海又三百六

十里至鼈子門又四百里自太平江厦汎折而南為樂清

大荆芙蓉蒲折馨石

樂清城東二里后所又六里白沙又



十里至籠子門又四百里自太平江履汛折而南為樂清

大荆芙蓉蒲圻磐石

樂清城東二里后所又六里白沙又七十里大荆自城十九里蒲圻又四

里華歛自城三十七里芙蓉樂清

又西為甌江口

東有大水口與玉環相對磐石有小口二

北小門山中曰黃華關正對黃大畧由

又南為永嘉甯村

郡歷黃大畧至海中洞正山百七十里

又南為永嘉甯村

所為瑞安梅頭海安江岸寨

瑞東至巡檢司城七里至海安城又十九里至梅頭城又

十里江岸寨即飛雲江對岸正對鳳凰山

又為平陽宋埠

自梅頭航海歷鳳凰至海中南麂百一里

又為平陽宋埠

汎距城十又為平陽江

海中島嶼甚多最著者曰大巖頭曰鹿山曰大小琵琶曰

腰又為金鄉衛

又為大漁石塘赤溪又西南為蒲

門自平陽至鼇江十七里至金鄉又卅二里至石塘又十七里至赤溪又廿里至蒲門又廿七里

又東南

為鎮下關

又西南閩界矣黃華飛雲橫



陽鎮下關而外其樂清蒲瑞安頭平陽珠明炎亭金皆賊

登岸之所金鄉東至炎亭十二里南至大漁埠里賊若由銅山來亦可徑犯

平陽至於海中三盤東洛霓畧大畧南鹿南龍鳳凰官畧

可泊可巡皆要處而樂清縣北之白沙嶺隘陸接台郡水

通諸島尤喉咽也近日商輪一往來甌滬月三次每人收

脚五六元自滬經甬達甌兩三日可至然口門深淺相間

大潮可抵郡城水淺僅泊狀元橋兩岸炮臺頗高最要則

茅竹嶺狀元橋龍灣東門炮臺倭防勇團數千黃花關一營大荆一旗温台甯紹皆

辨漁惟巡防尤以兵輪為妙攷丁撫日昌李相鴻章向皆

有載艇船製兵輪之議若將浙中兵船百二十隻改置十



有裁艇船製兵輪之議若將浙中兵船百二十隻改置十餘萬價之中大鐵皮兵輪四隻泊於甯波以便往來津奉閩粵各洋又置二三萬價之中小兵輪十二隻分泊杭嘉甯紹台温各府以便往來江浙各口又置二三千價之最小火輪二三十隻分泊各府以便往來數尺水深之內河始創價費不及百萬各釐搭抽一成三年可集每歲之費裁減舊船官兵俸餉所差無幾雖不能與敵國堅大鐵甲爭衡而與敵國相持於淺窄海口則亦勢均力匹至於剗除海盜則捷若捕雛且習於機器駕駛遠近各洋沙線礁



石潮汐深淺纖悉周知藉以誘攻掩擊有助於海軍鐵甲者甚多但邇來各省火輪多委內地將領管帶另雇船主管理駕駛之事不知察風色沙線以爲進退審機器剛柔以爲遲速無論駛內河者不慣外海之風濤卽習彼舟者亦未識此船之利鈍若欲收輪船之效則必如北洋海軍定制以船主爲管帶船主有缺以幫同駕駛之大夥二夥管理機器之大車二車以次頂補兵士卽兼水手賬房卽兼字識無使船外一人越級以進則身與船相倚爲命愈習愈精視戀居岸上不顧船中良窳付朝廷重大工費於



雇役者相去遠矣

浙江圖書館



洪元復覽

卷之四

六

浙江圖書館

洪元復覽

永嘉縣志



永嘉縣序

永嘉為郡附郭首邑東西廣百七十里南北袤三百二十

里東航海歷黃大嶼至洞正山百七十里航海經鳳凰山至南鹿山亦百

一十西由金堡村至青田界六十里至城又二北經楓林

至道赭山界仙居百五十五里至城又六十征地丁四萬一千

六百餘兩米萬三千九百餘石學額三十七名令典諭訓

柘溪縣丞西溪巡檢溫鎮中左右營遊擊守備各一千總

各二把總中左各四右營三共兵千二百七十五城守營

都司守備各一兵四百一十右營甯村所城守營存城及



楊廟楓林把總各一

甯村距邑東五十里楓林渡甌江八十五里楊廟渡江七十里

東門

釐局抽萬五千餘本府同通輪辦西門釐局抽萬九千餘  
廳縣辦洋廣局捐近萬總辦兼管小南門茶捐局千餘雙  
門局八千餘狀元橋局三千餘俱佐貳辦郡城周十八里  
北據甌江東西依山南臨會昌湖爲門七城外河以會昌  
湖爲總滙乃瞿溪郭溪雄溪諸水行五六十里所聚自湖  
東南行則瑞安河可直抵瑞城由湖入正南之永甯門是  
爲城內河道皆洩於西之奉恩門中間舟楫徧於坊巷郭  
璞築此城謂城內水配五行遇潦不溢城外臥旗山遇兵

不凶信然也舊有一千八百井作星象今多淤矣邑諸山皆



不凶信然也舊有二十八井作星象今多淤矣邑諸山皆  
來自閩至查田而分在甌江之南者凡三大支北一支自  
上戍至渚浦沿江東行環列九斗山融結郡城稍南爲暘  
輿西山守城者多於此屯軍西南爲三溪岷岡及華亭諸  
山皆其派也中一支自桐嶺折而東爲吹台慈湖諸山至  
漁潭穿水爲大羅山桐嶺距邑東北百二十  
六里大羅距邑四十里至永嘉場濱  
海而止南一支則自桐嶺東南行結瑞安縣城海中諸山  
甚多以霓輿南龍爲險要青輿中界爲門戶東洛鹿西爲  
衝要大衢銅盤二山西爲內洋東爲外洋霓輿在城東北



百餘里可以徑達磐石

東南風可泊舟

其東南爲南龍山自北洋

來者所必經

東北風可泊舟

兩處春可採捕俱有黃花兵巡防青

畧在城東北二百里海中兩山如門其東北爲鹿西兩處  
宋皆置砦下界山在東北三百里海中有湖田廬舍明於  
此設巡檢大渠東北風可泊銅盤南風可泊春夏俱可採  
捕永嘉場在邑東三十里廣三四十里住永昌堡自光緒  
六年陞科後歲徵銀八百三十一兩餘以梅頭甯村藍田  
爲海口險要其東北龍灣與樂清磐石對峙乃甌江內港  
門戶初場民沿浮漲海塗築軟堰南起天馬厯笑客巖高

原管在北至黃石壩縱三十里距海自四五六七里至高



原蟾莊北至黃石麓縱三十里距海自四五六七里至高  
原距十餘里置閘設溝洫田園之利甚廣近日棚民墾山  
溪河爲砂石壅塞閘內之田漸尖灌漑而閘外海塗日漲  
竈丁用牛運涵漸遠鹽利亦艱攷鹽塲係於近潮之處以  
灰石墊地爲池分上中下三節潮汛上半月以十三日爲  
起水至十八日止下半月以二十七日爲起水至初三日  
止盛夏二三日秋冬四日晒力方足嚴冬則西北風勝於  
日晒也六月謂之伏土最鹹三月謂之桃花土九月謂之  
菊花土次之每竈設鍋三一鍋煖涵一晝夜卽成鹽煎法



用刀刮土挑至竈旁築小槽如坑

廣四尺長八尺封塗於底覆以利竹墊以淨茅

實土二十四担於槽沃以清水遇時泥融滷流池內每滷

一担約得鹽二十四斤邑境分十三鄉五十二都自東北

境之四十都至五十二都爲內西溪內枏溪西溪地鄰括

蒼枏溪界連合郡舊用竹筏至郡同治三年陳令寶善始

改用梭船惟距邑有遠至三百里者民間完糧每兩須加

解費二百且溯枏溪而上白巖寨一帶左有七星巖右有

老鼠梯藪盜苦訟故巡檢縣丞皆躲住邑城有議因枏溪

縣丞撥永樂山三邑境添設清溪縣建城池於現設書院

之風林鎮移四溪巡檢兼管典史撥存城守備一標兵一



之楓林鎮移 四溪巡檢兼管典史撥存城守備一標兵一  
成駐紮借廩 厘三四萬以爲始事經費者說果行數邑可  
以安枕矣光 緒五年邑編查戶口男女大小共九十五萬  
餘口城內義倉存穀萬二千石四鄉又二萬石積自同治  
初年每米舖日捐錢六枚至十枚不等春放秋收每百斤  
加息七八斤不經官吏之手良法也土產甌綢錫器牛皮  
最佳

浙



浙江復覽

卷之四

浙江圖書館

瑞安縣志



瑞安縣序

瑞安在府西南八十里東西袤二百二十里南北廣六十

七里東至海十里西北至青田九十里西至泰順

一百五十里

以龍關爲界南至平陽五十里以飛雲渡爲界征地丁二

萬八千三百餘兩米萬五千六百餘石學額二十五名令

典諭訓縣丞大醫巡檢雙穗場大使各一瑞安釐局抽入

千餘佐貳辦瑞安協左右營守備各一千把各二共兵五

百名輪巡洋面集雲山在縣治正北爲邑之來龍水曰飛

雲江有二源一自閩政和溫洋南至百丈口會泰順之洪



溪

又十  
八里合羅陽

諸水至  
村瀨青田溪一自青田木堯嶺流抵陶山

南至畧口合流經三港至邑城再合邑西八鄉之豐湖及

東北湖并城內水

經白塘

出飛雲江北駛卽磐石衛自白塘

沿南塘可通平陽自東門外石塘直達郡城塘工永嘉居

三之一邑居三之二閩浙官道也海道自烽火門起至北

關官山金鄉琵琶南麂大四嶼與溫左營接南麂與玉環

相對北接鳳凰山魯廣海深外卽大洋乘風可直抵飛雲

最爲衝要攷浙中海防海賊向以盛京一帶魯岸爲避風

之所山東洋面冷落歲僅一二至惟江浙閩廣則自二三

月至九月皆可隨時劫掠是以定例三四月爲大汛屆



月至九月皆可隨時劫掠是以定例三四五月爲大汛屆

期嘉湖兵出三關

卽黃道乍澱

紹兵出龕山臨山觀海三江甯

兵出鎮海昌國象山台兵出新河松門溫兵出楚門磐石  
金鄉又浙東會哨南則沈家門哨至福建烽火門與小埕  
兵會北則馬墓哨至江蘇之羊山與泊沙船會皆交旗爲  
號賊犯江南浙兵不至陳錢者罪賊犯浙江江南兵不至  
馬蹟者罪羊山屹立海中附近乍浦周數百里有十八畧  
可藏舟數百以聖姑礁爲居中之地羊山距定海吳淞皆  
一潮可達甯甯漁船汛期必至此而後分幫江浙會哨亦



於其中避風然戰艦總不若輪船爲妙攷粵黃浦局所造淺水兵輪長十一丈寬丈有八尺半時行華里三十三馬力七十八匹吃水六尺船面稍低以便攻戰輪聲甚小以防驚敵船後皆雙車暗螺用康邦臥機兼用資水器櫃前後皆活桅兩持龍骨左右帶以鐵脅淺水上下輔以鋼板頭安四噸半後膛鋼砲一船尾安九生口徑克虜伯鋼砲一桅盤船腰各配一諾登飛連珠砲三護砲皆有鋼板據奏案一船價僅三萬餘祇每月支薪工六百八十兩耳今若於沿海郡邑各備一二艘海盜當無所藏踪若更淮南



賈自行置用則製造駕駛日精一日更無須取法外人也  
邑城周千一百四十丈爲門五倚山臨江自郡城內乘舟  
南出瑞安門直至邑城境內兩山夾一水隔數里一大村  
落十數里一大市鎮科名仕宦爲浙東冠明代備倭多築  
城堡最著者曰沙園寨在邑東廿里曰梅頭堡在邑東北  
五里曰巡檢司城在邑東北三十里曰沙城在江岸之東  
曰山黃堡在邑九都倘因而修復之遇尋常之寇卽可堅  
壁清野也



浙志便覽

卷之四

浙江圖書館



樂清縣序

樂清在府東北八十里方廣百八十九里東至海十五里  
越海至溫嶺百二十里屬黃巖西南至館頭五十里至柘  
溪六十里俱界永嘉南至海五里渡海爲玉環廳之南社  
北至仙居三百八十里西至黃巖百八十里征銀二萬二  
千二百餘兩兵米四千一百餘石學額二十一名令典論  
訓大荆縣丞磐石巡檢各一大荆茶釐局抽五百餘土藥  
局抽二三千皆佐貳辦長林場在邑大都征二百七十六  
兩水曰館頭江卽郡城大水至邑北六十里再三十里抵



甯村所入海對面卽磐石衛沿江有三十二浦邑之象浦其一也城內東西溪屢爲水患宋邑令趙敦臨四岸築堤四百丈導水自塘南入海其劉公堤自城西迎恩門直至館頭六十里又過塘二十里卽郡城山以雁宕最大高四十里有南北二嶺南雁宕在平陽之西南北雁宕在邑之東俱多產紅茶山頂有湖方十里名雁湖半皆蕩林雁集於此山有東西內外谷亘六七十里爲峯百有一遊者東入泛舟度石門巖爲山門爲大龍湫者三高數千丈西入首斤竹澗至仁能寺澗有飛泉南流經寺側入海樂清協



自斤竹澗至仁能寺澗有飛泉南流經寺側入海樂清協

暨中軍都司千總各一駐邑城共兵四百六十四名分撥

青江千總一距城四十六里蒲歧把總一距城二十里後

所把總一距城二里虹橋把總一距城東二十七里大

荆營在邑東九十里距黃巖城六十里為學政巡試所經設都司

一兵三百一十七名存營千總一分撥暘谷畧千總一距大

荆二十三里兵三十二名蔡畧千總一兵五十大芙把總一兵五十水

漲把總一兵四十水漲對面鄭頭山前臨大江界連數邑盜

藪也磐石營距邑西南五十里都司千總各一把總二兵

二百七十名天妃炮臺黃花關存亡所係也邑代征萬橋



大荆等處條穀二千石大荆產茶最著近因稅重價賤商人連歲虧本業者漸稀考光緒庚寅李鴻章奏減茶釐暨奉部咨各省一律遵照另行造報乃今不但仍沿舊捐且奉部章糖茶概加二成矣

浙江圖



平陽縣序

平陽在府南為浙閩分界處自瑞安渡飛雲江沿萬全塘

至城距府城百三十里東西廣百五十里南北袤二百五

十里東至海

二十五里

西至箬帽山界秦順

城百二十五里至秦城又百八十里

西南自長山至分水關界福鼎

城百一十里至鼎城又七十里

征地丁二

萬四千四百餘兩米九千九百餘石學額二十七名令典

諭訓縣丞蒲門巡檢各一

蒲門距城百一十里舊有所城轄民堡七又十六里沙壇嶺界

閩福鼎

古鼇頭鼇局捐近萬

另茶捐千餘

廳縣辦橋墩門茶局捐

千餘佐貳辦同城平陽協副將一左右營兵五百八十二



左營都司右營把總各一分撥江口干總一距城十四里兵五十鎮

下關干總一距城百二十里兵二十蒲壯寨把總一兵七十宋埠墨城

把總各一兵各二十一宋埠距城十里右營駐金鄉寨都司

把總各一距城七十里又分駐南岸守備一轄舩艚把總

一兵二十四橋墩寨把總一兵十七舩艚舊有南監場康熙間裁由縣征水

鄉銀六十五兩場亦名有南北二港北港亦名南港出半山嶺界泰順

出南雁宕四十一里至蕭家渡匯南港出半山嶺界泰順南港四十七里橋墩又

七十里蕭家渡兩水既合十一里至錢倉距城十九里深二十里

墨城出海深五丈廣二里其自北水門直抵瑞安萬全塘也南雁

岩在邑西南八十里北自羅嶺南自施巖皆名雁岩遊者



岩在邑西南八十里北自羅嶺南自施巖皆名雁岩遊者  
自城外泛舟下西塘十里過荆溪寶勝寺乘潮自覺禪寺  
復陸行歷三溪始至先抵石門樓爲石柱右半里雙峰插  
天石梁橫跨其下峯頂亦有雁湖邑境分七鄉五十五都  
其三十一都因無戶併歸別都三十八九四十都則劃歸  
泰順矣形勢三面環海北阻飛雲江城建山坳中海汐三  
十處砂園馬衙諸口雖要而地屬鄰封邑東則砂塘外塗  
十餘里祇象灣山下有倭兒灘倭嘗從此入越灘而上山  
徑亦不必慮惟南境鎮下關有石塘沿浦諸險千里無涯



為外夷往來所經海防以東洛南鹿為第一關鎮下江口

為第二關沿海赤溪炎亭大畧大鑊沙坡大漁沿浦為第

三關

大畧距城二十里炎亭距金鄉十三里大漁距金鄉九里大鑊距大漁九里石塘距金鄉二十里赤溪距

石塘二十里沿浦距赤溪二十六里

法夷之役湯令肇熙辦團以蒲門鎮下

關為一局金鎮江南為一局萬全為一局城內至古鰲頭

為一局鎮下關山形陡立同治十年築有砲臺

左龍巾山稍低緊對

南關山之左北關山之右

每歲閩浙水師暨本道於焉會哨南關山正

對鼠尾山中間洋面寬四五里

大潮水深五丈小潮四丈潮落再減三四尺三

面皆山可以避風為閩浙交界處海船多汲於此橫陽江

口距城二十五里即古鰲頭貿易最盛江濶二百餘丈



面皆山可以避風為閩浙交界之處船多汲於此橫陽江

口距城二十五里即古鼇頭貿易最盛江濶二百餘丈

深二丈小潮減半南岸近處潮深二尺落則泥塗數里北岸為海

關釐局所在再往五里為下垵口亦有市埠同治十三年

建有砲臺惟對江而不對海其外洋嶼山舊亦有砲臺今

廢浦口距城三十里同治十三年亦建有砲臺與瑞安之

東山砲臺隔水相對水濶五里大潮深二丈八九尺小潮減半潮落再減半赤

溪口門寬三里自岸至口十里潮落皆淺塗長落深淺與浦口同橫

陽江口潮汛水消自每月初五二十日始至初八二十三

而極水長自二十五初十始至初三十八而極是為大潮



兵事須留意潮汐皆以三時漸移

如寅時初長則卯時長  
平辰時長盡已時初落

則午時落半未時落盡申  
時復長亥時復落亦如之

春夏之潮晝小夜大秋則晝夜

俱大冬潮晝大夜小八月十八謂之潮生日尤大

浙江圖



泰順縣序

泰順在府西南二百九十里東西百一十里南北表百有  
五里西十里黃灣隘卽閩壽甯界東至瑞安二百里西至  
閩壽甯福安各三百里北至景甯二百一十里南至平陽  
百八十里東北至青田百四十里征地丁六千餘漕項五  
十餘兩學額十三名令典諭訓城守營千總各一兵五十  
六名地軸山橫於城南里許邑之水口也分水山距邑南  
二百里與平陽山界隴上泉水各東西流爲閩浙分界吳  
越時於此戰守水一太平溪繞城南流抵閩壽甯縣入海



一 雙港溪

自青田至赤坑入境六十里浙交溪渡出浦安

一曰交溪

出邑人頭山長百二十里

至交溪渡合雙港溪

其仙居溪流至百丈口與閩政和洋溪水合則

出瑞安者也髮逆之亂全浙淪陷惟邑城及衢温兩郡城

與定海石浦龍泉慶元獨存然民貧商滯地方異常瘠苦

攷浙中舊日牙帖之征惟邑與分水倍於他處蓋因商少

之故然商愈少愈宜招徠如當商一項歲征不過五兩而

例須由邑郡加結赴藩領牌

費輒數百金縣歲規半之

故有一二百里

并無當店者貧民有無無以相通反為勢富重利盤剝今

浙西當店既變通以十八個月為滿月矣若更為變通祇

留歲証之數寬其牌結之例改由郡局報名開張盡除各



浙西當店既變通以十八個月為滿月矣若更為變通祇

留歲征之數寬其牌結之例改由郡局報名開張盡除各

署歲規之費則當店日多民間之生計自便至東華錄載

道光二年三月命江西推廣社倉成法准民間質押穀石

十一月又命江西貧民質穀無庸官為經理寓當店於社

倉尤兩善之法也邑境高峯廻環無十數里平地城內荒

涼僅數百家多係茅房仙居溪出邑北坑山二十三里至

撒灘村自城越百步嶺至此又二十六里至洪口街以上名洪

口溪深四尺水漲可通筏自此踰陳又十五里至百丈口

代嶺至城二十八里嶺高八十丈又十一里至溪

登岸踰魏陽嶺十一里嶺高八十丈又踰又十一里至溪

斤示更覽

卷之四

三



口村

有下窄溪自青田來

又二十三里焦溪洋入瑞安界又三十八

里巒口村

有泗溪白青田南田山來

又四十三里灘脚村

潮至此止

又八十

九里瑞安城外飛雲渡自郡至邑城潮流至百丈起旱須

四日邑民完糧每銀一兩

收錢二千四百八十

較他邑為減邑令歲

由藩司津貼銀八百兩童試僅百餘人府試於學使按臨

時先數日舉行故科目較罕而士習即因此純樸故徐學

使致祥奏稱之

浙



玉環直隸廳序

玉環廳在温郡東百八十里海中雍正八年李撫衛奏請

開復

洪武遷海南境久墟北境屬太平

自樂清城東三十里為華歛汎又

逾海三十里為廳岸城跨東青中青二山距海六里境東

西五十里南北九十里額征租穀一萬九千八百餘石不加

閩

額設同知一

民壯五十

巡檢兼管監獄一

弓兵三十

鋪兵四名

移駐温

州府學訓導一學額八名玉環叅將左右營守備各一兵

五百有六名存城左營把總二右營一分撥左營楚門干

總一兵二十右營寨城干總一兵五十七坎門把總一兵



六十四東南十九里為坎門西南十三里為普竺東北四

十五里為海畧西北四十二里為杜芳此四境也逾西清

港距廳八里五十里至江厦距太平城十八里五十里至白沙距樂清城四里

三十里至華歛四十里至蒲歧七十里至石馬此水界也

北十六里為楚門渡又六里楚門城踰嶺至太平城五十里東南黃

坎二門為温黃二鎮巡防出入處黃門距廳四十二里坎門以外即

大洋海中紆迴數十島港汊紛錯水一曰玉環河即天關河繞城

向下跌門入一曰官河長八里向新一曰東隩溪長五里半至楚

海長九里門入一曰清港長十四里至司各水皆深數尺廣數丈天開

官河

河乃初時雷雨衝開水通後較浦長千三百二十丈舟楫



河乃初時雷雨衝開水通後較浦長千三百二十丈舟楫

可抵城下蓋開闢之應也田每畝上則征米一斗六升中

則一斗四升下則七升地每畝僅征三升皆仿臺灣例納

穀二斗抵米一斗穀每石納錢一千九百歲解兵米萬石每石一千

五百米禁出黃坎外洋温州船至由廳廠挨查分上中下二

則設官牙厥頭收稅為辦公養廉之用驗牌入港漁汎畢

即合帮出境鹽官收官賣歲三千緡冬春漁船至者數百

每船收費銀四十八圓通年作六千圓連鹽項皆按月勻攤

算入交代丁丑奇災鹽蘆澳冲没人日千餘善局紳士褚




成禕輩渡海賑卹廳俸力籌平糶較准土斗以百有五斤  
爲一石民皆稱便滬上賑局取信十數行省澤徧南北先  
後募賑以數百萬計匹夫侶善與天子爭衡實開從古未  
有之局也

浙江圖書



處州府圖



舉溪汎

政和界  
壽甯界

金垂寨

石壁隘

松溪界

蘇州嶺

安仁汎



雲潭

明嵐

白渡口  
查田

豫章

劍池湖

橫山

道堂汎

北口址

七赤汎

玉溪

三坑口

碧湖汎


台湖山



小梅汎




陶村



玉都洋


橫村口



舊市汎

魚袋山

金村




江山界

界安西

汎界北





浙江圖

沈根嶺

上岸汎



劉府

九都

温州府界

沙埠

石門澗

南明山

觀音

大洋汎

慈航汎

今東汎



先溪

東渡

慶河

南明

井

府於開城內  
學不通舟筏

萬壽宮

石劍試

黑橋

隘頭

岩泉

麗水縣

望京

銀場

却金館汎

自府至縣繞名桃花嶺

沈壺汎

太平汎

黃龍

仙居界

桃花洞

金坑



大盤山  
東陽界

馬鞍山

石街

永康界

義界



處州府序

處州居浙之南自金華歷永康縉雲至距省七百四十里山谷迴環據温州上游轄邑十附郭曰麗水縣北枕武義山脈自閩經龍泉遂昌宣平折而南至縣之壽元山起祖郡西碧湖則商賈所集也西南二百四十里曰龍泉縣脈自閩來至縣之石馬山起祖武溪嶺則龍泉雲和分界處也西南一百八十里曰遂昌縣邑東南水流入郡城其東北水蔡溪自閩來下西安宮溪經馬埠下龍游赤津嶺兩山對峙爲一大關鎖西北百二十里曰松陽縣邑之南嶺



乃最要處北百二十里曰宣平縣界連湯溪邑南水由龍坑達郡城邑北水梅溪熟溪皆入武義境竹客嶺則松陽分界要地也東北九十里曰縉雲縣桃花嶺爲金處通道北岱嶺爲數郡分脈處嶺左之水由好溪達郡城嶺右之水建洋溪歷永康達蘭溪東南百五十里曰青田縣東界永康縣北太鶴山爲第十三洞天其南天山周廻三百里爲七十二福地則劉誠意所居也西南百二十五里曰雲和縣大杉山東界麗水安溪路通景甯兩山夾峙可以守禦其浮雲溪合龍泉水達郡城豐源水則入景甯縣界極

西南四百有五里曰慶元縣由梅溪過陀頭峽爲往郡之



德宗其浮雲溪入龍泉水達郡城豐源水則入景甯縣界極

西南四百有五里曰慶元縣由梅溪過陀頭峽為往郡之

路橫嶺為入閩之界東十里石壁山為要隘自龍泉溯梅

溪九十里邑境祇可通筏登岸至城路復如之故赴郡者

率皆遵陸一日竹口鎮二日查田三日龍泉城南百四十里為景甯縣界連

泰順山脉自閩壽甯來其北洪嶺往郡要隘也郡水一曰

龍泉大溪即慶元梅溪十四里入龍泉界深五尺又八十里

經龍泉城深一丈又八十一里入雲和界又二十一里至七

赤鎮距雲和城二十六里又七十里入麗水界又四里至松陰溪口

與松陽溪匯深丈二尺一日遂昌大溪出遂昌境四十五里至



遂昌城

尺深三

又十五里入松陽界又三十七里中大橋

尺深六

尺距松

城三里又六十三里入麗水界又六里與龍泉溪匯兩水

既合四里碧湖鎮又二十四里蘇益村匯宣平水

即午溪深三尺

自宣平城七

十一里至此又二十二里至下河村距郡城二里與縉雲

水匯

即好溪深五尺自縉雲城三十二里至此

又十四里至險灘山入青田境

又九十六里至石溪村會景甯水

即山溪自慶元入境深三尺百有三里至景甯

城深七尺又二十九里至此

又十三里至青田縣城又二十一里入永

嘉境又七十里至溫郡城甌江口入海其遂昌蔡溪

自閩浦城

匯龍泉境三十五里入遂界又二十里有東川溪入西

自浦城入遂境八十三里來會又合流六十八里入西安

境名東溪又九十官溪出遂境經馬入龍游馬埠路遂城



自浦城入遂境入十三里來會又合流六十八里入西安

境名東溪又九十官溪出遂境經馬埠三十七里入龍游馬埠路遂城

有釐局後併歸龍游遂水自溪口入境三宣平梅溪出本境十

十里靈山又四十里龍游城祇可通筏宣平梅溪

九入武義又七十一里縉雲建洋溪出本境行入永康

溪又四十八里永康城青田語溪出本境行入泰順慶元槎溪

十三里至邑城又七十里有芸溪自閩政八閩松溪魚頭

和入慶境三十里來會又合流十五里則皆水之旁趨

溪出慶元境入閩壽甯又三百餘里至甯

者也現存處州鎮本標三營兵千有七十麗水營兵二百

有七征地丁九萬四千餘兩釐金局四歲抽二三萬緡府



閩私充斥改商包辦緝私益擾光緒癸巳本道

趙舒翹  
今蘇撫復

改官辦盡除各署歲規設總局於溫設分局於郡之下河  
鹽自溫東門報捐每斤錢三枚至下河復抽其半課額較  
舊稍增惟距省寫遠科目罕覲商賈亦鮮遠出郡山深地  
瘠俗樸民強時相刦竊近復喜習天主教與官紳抗典押  
妻妾與台同逋賦累累官多恃捏荒免咎每因之爲利藪  
寢成晚近積習但使惠農通商教民樹畜生計可足用正  
氣紳士舉行鄉約風俗可化資紳士爲耳目手足合卽保  
甲爲團防訟獄可察緝捕可獲防備可周各邑無城無大



砲仍非遠慮若於丁釐項下籌款創修并令各村鄉擇地  
種植木城亦未雨之綢繆也築城之法用磚石不若用三  
合土可以緩礮彈之力而爲費亦省惟用之於官設爲吏  
役偷減灰數則經雨便圯木城之製畫地數丈內外多種  
大籐竹中植易生之木裡外環以濠水於路口扼要處建  
樓置砲禦敵數年之間竹幹茂密則鳥穿不入數十年後  
竹衰木長連成一片則轟之不透兩旁濠水滿灌竹木着  
火枝焚而幹不燃亦可無慮民間無力築建磚石碉堡用  
此收效於一二十年後亦備盜之方也至於磚石之城備



於垣上種竹一層入土不深於牆無碍而得以緩砲刀庇  
守卒善制也

浙江圖書館



麗水縣序

麗水爲郡附郭首邑方廣八九十里征地丁萬一千有奇  
漕項二千二百餘兩學額二十六名令典諭訓碧湖縣丞  
處州鎮暨中軍遊擊守備千把總左營千把總右營遊擊  
千把總麗水營守備把總各一撥防碧湖千總一兵二十  
八城內釐金總局兼括蒼局抽六千餘知府辦下河釐局  
距城五里抽五千餘佐貳辦城外壽元山爲一郡之主碧  
湖爲邑西市集所聚邑水自三港口滙雲和來之龍泉大  
溪松陽來之遂昌大溪宣平之黃村水合流至蘇埠再滙



邑之西溪水爲麗陽大溪南過郡城三里與縉雲之好溪合東出佛頭嶺過石帆會大羣山水又八十里會景甯澗溪水過青田經高江自温州出甌江口城內二渠則宋守趙善堅引麗陽溪水入城以蓄水氣息火災者由應星閘出城與尤溪會通濟堰在邑西五十里障松陽遂昌二水別爲大川析爲四十八派灌田二千頃尤水利所關也攷閩鹽繞道溫處赴浦城各處本於浙鹽有碍然苟化私爲公亦挽回之術左侯時慮岱鹽充斥仿淮鹽認銷江西重稅鄰私之法於蘇之劉河福山張家庫七鴉崇明凡岱鹽

入王之處各設局收買代銷以防攙越於是私鹽皆化爲



入汪之處各設局收買代銷以防攙越於是私鹽皆化爲  
公但政在得人計官鹽自分司場官鹽局簽發領引招認  
查驗截角監掣督銷巡員添巡協巡層層須費不可枚舉  
官鹽之本愈重則私鹽之銷愈暢亦無可如何也

浙江圖



浙江圖書館



青田縣序

青田在府東百五十里方廣百四五十里東至溫郡城百二十里南至瑞安二百五十里北至縉雲百六十里征地丁萬三百餘兩漕項五百餘兩學額十九名令典諭訓縣丞中營把總各一兵四十名青田釐局歸溫州總局轄抽萬六千餘廳縣辦邑太鶴山距城二十里相傳爲第十三洞天南天山在邑南八都距城百九十里周二百里相傳爲七十二福地劉誠意居其下邑芝溪嶺一名老鼠梯天險之處石門在邑西百四十里洞口兩峯夾峙中有平原



西南瀑布七十餘丈過噴雪亭有欹洞在石壁下上有軒  
轅丘道書以爲立鶴洞城外大河自處郡來抵温州出海  
其彪溪則自景甯縣城至邑與處郡水合者也邑本瘠區  
因附近甌江商販漸眾攷浙西及甯紹之民商半於農十  
齡外卽拜一商爲師爲之服勞名曰學生數年後始受工  
值學生於本師北面終身死則爲之束白布帶志心喪善  
賈蓋有由也邑中人物以明劉文成基爲最著史稱基旁  
通天宮陰符家言遊西湖見異雲起西北知爲天子氣十  
年後應在金陵已當作輔及輔太祖與陳友諒戰屢告以



難星出主於險可謂前知者矣然功成後爲胡惟庸所譖  
竟被毒藥而死豈數定無可逃耶

浙江圖書館





浙江圖書館

留雲縣序



縉雲縣序

縉雲在府北九十里方廣百六七十里東界仙居百八十里南界青田百里北至永康八十五里南至永嘉百五十里東北至東陽百六十里征地丁萬四千有奇漕項六千餘兩學額二十三名令典諭訓縣丞中營把總各一兵一十二名邑大山重叠周廻數百里仙都山與城北岱嶺連脉去城二十里上有湖世稱軒轅鼎成上昇五色雲現故以名縣遊者自城過桑潭厯步仙橋下舟從小蓬萊穿合掌洞至龍舌洲復登嶠百級上忘歸洞下洞里許入玉虛



宮有一石高數百丈廣圍有半旁有伏虎巖雙龍峽出峽  
登舟則順流經練溪上羣玉台旁有五峯如老人狀下台  
渡石橋出響巖爲暘谷洞三竅如連環邑水分左右流右  
爲好溪出東陽大益山西南九十里至縣東會蒼嶺水又  
西五十里過靈山再十里與郡大水合其右則瀛溪歷永  
康至蘭溪者也自杭來處由蘭溪易小舟至永康起旱行  
李多用筏至邑自溫來者由青田六十里芝溪又六十里  
至距處城六里之下河起旱百有五里抵邑城又九十里  
永康縣城若改程陸行又百一十里抵金華府矣邑爲金

全處溫衝道無城垣自永康至處僅隔桃花一嶺迤邐二



永康縣城若改程陸行又百一十里披金華府英邑魚金  
金處溫衝道無城垣自永康至處僅隔桃花一嶺迤邐二

三百里高百二十丈有隘可守

近緡境始有路舖

而迎來送往每

爲邑病攷屬吏迎送長官名曰辦差酒漿鋪墊饋遺多輒  
千餘緡少亦數百緡憲僕恃勢恣睢能作禍福而舟車脚  
價每取給於夫頭水保彼遂終歲抽歛訛詐百出資爲利  
藪往往一役歲得一二千緡甚至如杭城輿夫因貼差之  
故雖數十步近亦湏錢四百整躬率屬是所望於居高位  
者



法苑珠林

卷之四

五



浙江圖書館

公易原琳亭



松陽縣序

松陽在府西百二十里方廣百三四十里南至雲和百三十里西至龍泉二百里北至宣平遂昌各六十里征地丁萬一千八百餘兩漕項千一百餘兩學額十六名令典論訓右營把總各一兵二十七名松陽釐局抽二千餘佐貳辦邑南嶺最爲險要烏礮山舊出銀冶水曰松陽溪上接遂昌大溪經邑城至保定舖合龍泉水又五十里至三港口與宣平水合再三里至蕪埠會西溪水爲大溪南過郡城三里滙縉雲東溪水下游出青田邑雖瘠區然歲產烟



葉值銀二三十萬鐵頗多礦亦可採種烟者九月布子於  
秧田覆以茅忌日曬來正揭茅稍受日氣二月移插田中  
糞以豆餅中年每畝可收葉二担糞餅三百斤葉以百二  
十斤爲一担值銀八九圓餅百斤值銀三圓鐵砂黑色或  
在山面或在溪邊無須開礦賣買用十二兩秤每百斤值  
銀十四五圓惟爐匠須精若火過猛則鐵水乾枯或至虧  
本礦生洞中石作碧色須鑿礦採煎其水流。出澄之作礦  
餘石研作紅丹惜無銷路商人偷買每百斤僅值銀六七  
圓耳若仿粵督張之洞奏改鐵務准民間隨處開採隨地



運銷三年後始由經過釐卡抽釐悉除從前請照銷照納  
餉彈壓定地銷售之例則物寶興人工盡價廉質良利不  
必盡歸諸洋人矣近日集巨股興礦務者冠蓋相望然礦  
師洋匠機器所費不貲識者憂之邑無城垣民貧地僻不  
得於官長勢豪多投天主教圖報復此習天下皆然可懼  
也土產多自馬埠經靈山龍游赴蘭谿惟自溪口至龍游  
大小堰十二處四月朔封堰八月朔開若封堰後雖遇大  
雨過堰者亦有規費爲商旅病



浙志傳覽

卷之四

四

浙江圖書館

遂昌縣序



遂昌縣序

遂昌在府西百八十里方廣百里東至松陽六十里西至龍泉百八十里至江山二百三十里北至龍游百二十里西北至西安百七十里征地丁萬五百餘兩漕項三千三百餘兩學額十五名令典諭訓右營守備把總各一兵五十四名侵雲嶺在邑北十五里爲舊馬埠巡檢駐處赤津嶺在邑北六十里兩山對峙如門通龍游要路也邑水分東西流東曰遂昌大溪自邑城至松陽合流抵郡城城南胡公堤城西繆公壩皆所以捍禦山洪者也西曰雙溪經



馬埠至靈山出龍游邑無城垣人物以前代尹起莘爲最而順治初邑令趙如瑾以催科不嚴而辦薦升御史稱爲循吏考光緒丙戌部咨以近年正雜賦項每歲短征在干一百萬以外皆因報荒不實不確捏完作欠徵存不解交代遲延五弊令各邑亟造民欠徵信冊存之紳士以備攷核惟百姓完納多係詭名卽有徵信冊無可攷核也大抵經理田賦必使賣受者皆以真名過撥分析者皆以真名收除按名完賦嚴禁一人數戶一戶數人之弊則下無所逃上無所濫矣近日催科之弊如閩兆桂彭貽蓀輩在粵

征糧站書甫至卽令各族饋送開串禮未及下忱卽令富



逃上無所濫矣近日催科之弊如閩兆桂彭貽蓀輩在粵

征糧站書甫至卽令各族饋送開串禮未及下忙卽令富紳包領大小串而真欠者反得互相推諉皆戶無真名之害也抑聞之光緒癸巳浙省奏稱杭嚴等六府二十六屬墾復田地山塘蕩漫共百一十餘頃尙有未墾四萬八千一百四十九頃其實民間畝田值數十金荒曠有幾亦在每歲派委查荒者不以例差視之耳光緒乙未戶部奏稱乾隆間地丁僅欠六十萬近日歲欠六百萬有以也



洪志便覽

卷之四

三

浙江圖書館

龍泉縣序



龍泉縣序

龍泉在府西南二百四十里東西廣百七十里南北袤二  
百里東至雲和百二十里西至慶元二百里北至遂昌百  
八十里至松陽二百里西南至閩浦城百六十里征地丁  
萬三千八百六十餘漕項二千兩有奇學額二十名令典  
諭訓右營遊擊各一全營兵三百有七名存城千把各一  
兵百有四名五都洋把總一兵二十一名龍泉釐局抽四  
千餘佐貳辦石馬山距城十五里爲一邑祖山邑無城垣  
水曰大溪自查田經城南東下二百里會雲和浮雲溪又



五十里至保定舖與松陽來之遂昌大溪合流抵郡城蔣溪堰乃宋知縣姚穀所築自萬壽宮南陂蔣溪納渠東達於馬步雲水溪在城北廡奎坊分蔣溪水轉月泓廟至李山畝灌田千頃劍池湖在秦溪之陰下與蔣溪合抵大溪相傳歐冶子鑄劍處故邑劍自古得名然佳者實少名宦以文度爲最鋤治豪強四境嚴肅顧爲治者未治境外先治門內近日一署中閹丁輒以數十計幕友輒以十數計且有隨帶眷屬者此曹衣服飲食一人歲非數百金不辦而自刑錢束修數百金外餘幕不過月廩十金閹丁則工

值俱無而陋習案牘必先經門簽家人之手而後達之官



爾自刑錢束修數百金外餘幕不過月廩十金闈丁則工  
值俱無而陋習案牘必先經門簽家人之手而後達之官  
其不蒙蔽招搖者有幾卽就其正項出息而論接帖有門  
包則官之耳目罕矣遞呈有狀費則民之下情隔矣簽差  
有買票之錢則差愈因之詐索矣審案有值堂之費則案  
愈因之遲延矣監獄班館有押規則無規者或至酷弊有  
規者或至縱逃矣相驗詣勘有夫價則寃者復至破產眞  
犯或得遠颺矣凡彼所謂應得錢官一無所利而甘受其  
累則何如於薦條紛至時先約法絕之丙申龍方伯錫慶  
禁薦閭幕甚嚴弊端可滅聞陳清端陸清獻作令門內不



過數人非好勞將以求逸也邑爲慶元咽喉地亦產香菇  
春月將樹斬臥地下陰處用斧鱗嵌深數分覆以樹枝數  
日出菌又旬日摘卽香菇也冬前厚故佳春出者薄一樹  
可用六年惟松杉不宜

浙江圖書



慶元縣序

慶元在府西南四百里東西二百三十里南北百二十五里南至閩壽甯縣百九十里政和縣百五十里西至閩松溪八十里北至龍泉百七十里東北至景甯二百里至杭千有三里爲浙最遠之邑征地丁八千一百餘兩漕項九百餘兩學額十二名令典諭訓左營把總各一兵二十名石壁山在邑東十里爲邑關隘橫嶺在邑東八十里入閩之路小水曰梅溪過陀頭峽流歸處郡大水曰外渺溪出邑東南流三十里入閩壽甯境又二百餘里至甯德金垂



寨入海邑爲浙省瘠區近日陳郡尊璠教民種桑養蠶邑亦未興其利攷蠶家避忌最多葉帶露則宜蠶采必凌晨忌霧遇陰雲則乘夜采摘忌黃沙遇風霾須逐片抖刷忌澆肥必審地土忌帶熱風吹待涼飼一周時須除沙屑遲則蠶受蒸葉必徧筐缺則饑葉忌太厚厚則蠶熱蠶室桑葉忌濕恐病椒末瘟病須剉乾浮萍攪桑葉飼之忌屋內掃塵炙燂魚肉燃油火帟於屋內吹滅忌近春擣敲門槌箔哭泣穢語忌產婦作蠶母帶酒人切葉一切烟熏忌產婦孝子不潔淨人入室燒皮毛亂髮酒醋五辛腥膻麝香

穢氣必人工屋宇桑葉器具四者俱備而後成功若貪多



婦孝子不潔淨人入室燒皮毛亂髮酒醋五辛腥膻麝香

穢氣必人工屋宇桑葉器具四者俱備而後成功若貪多必致缺葉少筐擡替乏人安放無地蠶有十體寒熱飢飽稀密眠起緊慢皆當勤察蠶之病曰殭有紅白二種皆屬傷風俗每用馬糞燒烟薰之殭死身直者必傳染無遺彎者尙可三分收成若臨老病殭速捉上山旺火灼之亦能成薄繭一曰花頭蠶生黑點或徧身或一二處因分繇不勤爲葉蒸損所致能食而不成繭一曰暗脰頸老則脰頸通明亦因失繇蒸損之故食葉無絲一曰亮頭蠶食葉則暗葉過則亮一曰亮頭沙矢不墜尾流清水皆因小蠶旺



食時遇天氣炎熱失葉故三眠時有此病發愈遲則病愈重一無收成此皆蠶家所忌也邑人物以宋王應麟爲最開慶間充讀卷官至第七卷頓首曰古誼若龜鑑忠肝若鐵石敢以得士賀擢第一乃文天祥也嗚呼爲天祥固難應麟尤不易遇也邑無城垣錢糧歲僅六成由庫書包征包解土產香菇歲值數萬亦有木紙筭等等多自松陽踰嶺下蘭谿

浙



雲和縣序

雲和在府西南百一十里方廣七八十里南至景甯四十  
五里西至龍泉北至松陽各百二十里東南至青田二百  
里征地丁四千四百餘兩漕項九百餘兩學額二十名令  
典諭訓左營守備把總各一兵四十五名大杉山距邑十  
里東界麗水安溪巔路通景甯兩山夾峙可以扼守境內  
水分東西流一曰浮雲溪源自濛溪繞城注龜山之南下  
流與龍泉水合抵保定舖會松遂水趨郡城一曰豐源水  
出豐源山二十九里入景甯界邑無城垣雲陽礫在雲陽



溪之右引水環繞坊市西接白水而來連亘數百丈邑爲浙省瘠區然苟化瘠爲腴亦自有術蓋惠農必先通商物產始阜計浙中蠶絲之利歲可二三千萬而若茶若棉若柏油皆以數百萬計頃余權釐甯海其地去甬口岸尙在百里有外而土產之售甬者自柏油茶葉猪牛各值十數萬數萬外其餘若雞鴨鵝靛青竹筍草紙白朮下至魚網靴釘等皆各值一二萬總之蓋參稻田之一周官以九職任萬民三農生九穀園圃毓草木虞衡作山澤之材藪牧養畜鳥獸百工飭化八材商賈阜通貨賄嬪婦化治絲枲



養畜鳥獸百工飭化八材商賈阜通貨賄嬭婦化治絲枲

臣妾聚斂疏財閒民無職業者轉移執事王政固昭昭可  
攷也邑民獲畢盡糶故春令穀價輒昂顧積穀數少又難  
經久攷光緒甲午 上諭准歲撥湖南漕米三萬石并脚  
耗个兒錢等折價銀七萬二千九百餘兩解交順天府備  
荒又各省每月共解順天備荒銀二萬兩蓋以儲價一石  
可得數石周轉而價有歲息倉多歲耗更不同也

浙



浙志傳覽

卷之四

三



浙江圖書館

宣平縣序



宣平縣序

宣平在府西北百二十里方廣百五六十里南至外洋村

界松陽六十里

至城又六十里

西至九盤嶺界遂昌四十里

至城又五

十六里

東至溪下村界武義七十里

至城又六十里

征地丁四千七

百餘兩漕項九百餘兩學額十二名令典諭訓右營把總

各一兵二十六名邑無城垣竹客嶺與松陽分界可以防

守水一曰東溪出邑青風嶺三十八里至城東與西溪滙

一曰西溪出邑寨峰三十里至城東滙爲午溪又十五里

至鄭岸村

有歐溪出麗水經武義入溪下村來會長六十三里

又十五里入麗水界



下游十六里蘇步村匯大溪深四尺又二十里至郡城下河深丈四廣百六十丈其熟溪出邑双

溪山七里入武義境梅溪出邑橫塘山十八里入武義境

各長數十里皆北下蘭谿大流堰則明知縣陳應麟築以

灌下五里之田者也邑民貧俗樸苟能以簡易為治亦可

甯一攷西政雖陋尙得簡易之意訟必延紳商同聽謀叛

者死殺人者久禁鬪毆逋負視重輕監以歲月餘一切從

畧故犯法者少而民心之所以靜尤在無科舉候補兩途

民各就一學老於其業四民之外六科之職及天文地理  
測算駕駛醫藥水火電光化力一

切技皆有專學其著者則舉入議院百識有缺以序推補以議員

奏其未黜陟皆出自眾議官惟其人管駕製造無幕友助  
亦必躬親



切按皆其著者則舉入議院百識有缺以序推補以議員

湊其末黜陟皆出自眾議官惟其人管駕製造亦必躬親無幕友助

官少則祿厚鮮侵上攘下宮室服食遊宴晉接君民大畧相等

少儻有事議院僉謀然後達於其君施行毋得違眾違欲

嘻此亦中國上古遺法也講西法者盍體乎此

圖

浙江



浙志復覽

卷之四

四

浙江圖書館

景甯縣序



景甯縣序

景甯在府南百四十里東西二百三十里南北百九十里  
東至青田百一十里南至泰順二百二十里西至慶元二  
百里北至雲和三十里征地丁五千三百餘兩漕項六百  
餘兩學額十二名令典諭訓中營把總各一兵二十一  
名  
邑北桂山脈自閩壽甯來城北十五里洪嶺極險爲赴郡  
必經之路水曰澎溪郡大水自石帆下八十里與之交滙  
下游過青田出温州邑令爲浙省瘠缺每有賠累之苦攷  
光緒己丑粵督張之洞憫屬吏賠墊飭法特將上游節壽



到任禮季規月費油米柴炭客幕修金盤查倉庫費秋審費到任水禮乾修門包等凡十四款一律奏革又將藩署攤捐如香蠟差費高錫差費小書工食憲書三成綏猺廳練勇經費徭日口糧餉差盤費清查無着攤款報資塘兵餉不敷火藥價車馬船價經費凡十三款臬署攤捐如驛傳房紙劄飯食傳供飯食司監加增菜餌凡三款俱另籌款抵補卽學院署除棚規爲各省舊章外其沿途夫馬考棚辦差雜費亦概減三成並將瘠苦過甚之缺如鎮平平遠感恩昌化等邑量加津貼所以養其廉恥者備至而浙

自左宗棠譚鍾麟兩中丞後大小衙署皆有辦公經費由



遠感恩恩昌化等邑量加津貼所以養其廉恥者備至而浙

自左宗棠譚鍾麟兩中丞後大小衙署皆有辦公經費由

平餘項下按月申解各署規費視粵東所裁尤省近復於

慶元景甯宣平泰順天台仙居分水等七苦缺酌加津貼

輪委七缺者准補委倘能胥除節壽陋習凡辦差等名目量為蠲免

損於已者無多而下吏省一分供億即小民留一分脂膏

矣

浙江



清元復覽

卷之四

三

浙江圖書館





浙江圖書館





浙江圖書館





浙江圖書館





浙江圖書館





金華府 衢州府 嚴州府 温州府 處州府

金華 永康 西安 常山 建德 遂安 永嘉 平陽 麗水 龍泉

蘭谿 武義 龍游 開化 淳安 壽昌 瑞安 泰順 青田 慶元


浙江

東陽 浦江 江山 官廬 桐廬 分水 樂清 玉環 縉雲 雲和

宣平 松陽

義烏 湯谿


遂昌 景甯







浙江圖書館



**TIFFEN** Color Control Patches

© The Tiffen Company, 2007

Blue    Cyan    Green    Yellow    Red    Magenta    White    3/Color